



山西  
山東  
河南

博物策會

卷五之八





新編博物策會卷之五

山西省

太原府人物

讀唐詩而知好樂無荒者自堯以來之俗讀通典而知文字盛興者自魏以降之風蓋太原之地禹貢冀州天文參井周為唐國繼為晉邦而太原之名起於秦也其地左有恒山之險右有大河之固南有石嶺之關北有雲內之塞此李太白謂之雄藩劇鎮非賢莫居者也生是地者憂深思遠淳儉好學故士尚文章才兼文武吐華發秀日益奇焉豈非人才之淵藪萬世所景仰者耶請具陳之晉大夫曰狐突狐偃一被懷公之淫刑不屑

山西卷五

太原人物

乙

於召子也一從文公之成霸克光於乃父也趙朔客公孫杵臼程嬰一死於十五年之前所以存趙孤也一死於十五年之後所以報宣孟也漢之時衛綰不赴太子之召何廉實也而卒拜太傅常惠不減蘇武之節何剛介也而卒拜光祿郇越以貲萬餘九於不為節矣周黨微徵三聘乃就車不委曰逆矣王莽之亂王霸掛冠氣節何凜凜也隗囂之召温序伏劍志操何磊磊也王允少好大節而郭林宗為之友一

州盜賊芟之若摧枯焉王烈少尚孝義而陳寔為之師一境詞訟化之如發蒙焉三國之特郭淮王凌皆屢立戰功而凌之氣節廿一死允難也温恢温恭皆屢著孝廉而恭之兄弟號六龍允難也孫資為北州賢知足以光荀彧之桃李王昶著兵書治論足以繼王澤之箕裘





以管言之劉殷掘地得粟何為而得粟也孝也解叔謙  
訪山得藥何為而得藥也孝也以溫羨為父而有子愷  
風儀秀整歲敗蘇峻之績以王湛為弟而有兄渾謀畧  
奇巧成伐孫皓之功枕流洗耳漱石礪齒孫楚之爽邁  
不詳自言所志如此也至其孫曰盛善言名理而有晉  
春秋可當良史之筆焉曰綽放情山水而有遂初賦不  
愧文士之才焉子不及孫孫不如父王承之清虛寡欲  
為時所評如此也至其子述安貧守道為征西將軍而  
能折王導焉其孫坦之弱冠負名為尚書令而能抗桓  
溫焉郭琦註易經百卷其學精矣雖趙王倫之召隱居  
不任其節義尤可褒者周續之通五經五緯其學博矣  
與陶淵明之輩隱身不出其氣象尤不凡者孝義如王

沉此王昶養之於少者也高簡如郭奕此山濤薦之於  
朝者也王濛始不齒於人終有聞於世而子曰蘊仕至  
散騎常侍孫爽仕至寧朔將軍足以繼其美矣莫含始  
仕於劉琨終事乎穆帝而孫題為東安侯弟雲至安定  
公足以述其事矣至於王懿刺徐州而著德政王獻代  
桓玄而死節義凡皆晉之人物也南比朝之時郭祚雖  
貌不踰人而涉經史卒居家宰之任王僧辯雖射不穿  
札而明左氏卒平侯景之亂唐豈明敏有才幹王思政  
魁梧有籌策一仕於魏一仕於齊王執質直無躁性王  
茂寬厚無猜容一仕於周一仕於梁隋之時諫起三山  
受賜百金則有若王韶之直也大豕同乳烏鵲通巢  
有若郭雋之義也逮至於唐張道源王方翼皆以幼冲



而能孝其親故一曰至孝里一曰孝童非虛譽也姑汝  
升李愷皆以治郡而能愛其民故一立廟於代州一立  
祠於清河非偶得也唐儉雖不能繩檢而為天策府長  
史有諷諫之益王珪雖不死建成而為諫議大夫有激  
揚之長許世緒與弟洛仁皆從起晉陽為有功温大雅  
與弟彥博皆輔相太宗為有力狄仁傑薦拔賢俊收敗  
日之功何忠義也其族孫狄兼謩為御史中丞文帝謂  
之曰一臺正朝廷治有祖風矣武平一隱身嵩山避  
鷄之禍何高尚也其孫元衡為御史中丞德宗稱之曰  
真宰相器有祖烈矣王縉佐李光弼而擢太原少尹可  
謂竭其力矣王鐸從唐王臯善勸軍中情偽可謂忠所  
事矣王緯奏延齡之過直宋忝御史大夫之任王仲舒

以活省卷五

大原行

三

阻延齡之相真不負賢良方正之名王彥威撰元和  
禮之書而整一制度王翊擢才兼文武之科而討定夷  
獠温倍助平原為守禦計忠矣而子造劾奏李祐又何  
剛也王播尉蓋屋以決獄著明矣而弟起上諫畋游又  
何直也至於王鐸累官平章自任經濟雖身不克保而  
節亦可取矣五代之時唐則張憲有沉靜之量晉則史  
建塘有破敵之功鄭仁誨扈彥珂薛懷讓皆盡力於世  
宗之朝也韓通李筠李重進皆死節於陳橋之變也逮  
至於宋藥元福李萬超武行德侯章張從恩皆仕晉而  
歸宋能布其力也李洪信郭從義白重贊王溥皆仕漢  
而歸宋能效其勞者也李進卿楊美吳廷祚非仕於周  
者乎然歸宋之日皆有平蜀之功而廷祚則鎮京兆也



袁繼志賀惟忠羅彥瓌

又非仕於周者乎然歸宋以來

皆有震邊之功而彥瓌

則謀陳橋者也知興元者安守

忠知鳳翔者高防而王

貴以七十三之年能空拳殺敵

真可謂之勇矣知雄霸

者石曦平蜀都者王全斌而常

延信領十二之州能著

威成績真可謂之能矣於身則

刺字者四於子則刺字

者十二呼延贊之膽勇如此也

中流矢者八身被創者

十三輔超之勇悍如此也李謙

溥性慷慨通春秋而有

兩子皆擅知州之譽楊震善弓

馬平方臘而有兩子皆

死夏人之難楊業在代州而號

楊無敵楊延昭敗契丹

而號楊六使父子之勇畧如是

乎安俊監環州而號安

太保楊文廣獻陣圖而號為名

將邊境之干城如是乎

吳元辰讀左傳而以身尚公主

原卷五

原命

四

宜矣郭守文立軍功而

其女為皇后宜矣慕容德琛有

討彘蠻之功有光於乃

兄延釗也石晉能通推步之術

有光於從父通也武英

死於任福之戰而夏守贇為高

陽總管閻守恭為并代

鈐轄皆有可稱也王信平貝州

之賊而盧政為神衛都

頭潘風知河中皆有可取也劉

易作春秋論而趙抃薦

之任山作井田圖而富弼重之

敗元昊者王凱而謚壯

恪敗金人者楊存中而謚武恭

郝戴上書致仕為父求

官而卒遂其志王中立易名雲

鶴自號擬翎而能工於

詩以金言之楊雲翼舉進士第

一而子恕亦登第於通

鑑則有續於周禮則有辨雲翼

之才卓乎不可及已孫

九鼎舉進士第一而弟九疇九

意亦同榜清廟瑟之三

嘆齋房芝之九莖孫氏之盛皞



乎不可言矣王璠與弟曰珙曰珣皆登進士而來三桂之號張翰與弟倫然子天彝皆登進士而享九棘之榮粹完以口馥贍給三百餘口郭文振以刺史招降二百餘村以書生鎮方面者一人則有若胥拚以科目顯朝廷者七世則有若劉昂崔立作亂聶天驥死之固也而其女亦自縊尤為可竒也元兵攻城趙益死之固也而其妻亦自殺尤為可嘉也至於張大節楊慥王特起元好問之徒何莫非為國盡忠者耶以元言之馮純為行省平章而有平思溫為總管郝拔都為五路萬戶而有子天益為總管憲宗下蜀聶大本有從征之功史天澤開府張德輝有贊策之力聶輝歷兵工二部尚書呂思誠歷禮刑二部尚書而三為祭酒一法許衡之舊者

四函卷五

大原人物

五

思誠也王守誠與脩三史郝忠恕總裁三史而書成歸隱及獻無逸之旨者忠恕也許楫管兩路有循良之政武祺知桐城有果斷之風至於郭周郃知章之徒何莫非為世聞人者耶逮至我朝吳昭吳印皆為布政而以才識稱和希文齊麟皆為侍郎而以學行顯王克己以文學舉田敏道以才行舉一為尚書一為副使何忝乎李奉以孝廉舉郝鵬以國子生舉一為參政一為府尹何愧乎天順以後人才輩出為國大用吾未暇屢數也

平陽府人物

唐曰平陽秦曰河東隋曰平河元曰晉寧此沿革之異也檇之太行起之首陽迤之黃河靡之大陸此形勢之



尚也蓋冀州之域分野背參崧水陸之形勢壯關河之  
氣色人生其間恭而不傲和而不怒勇而敢朴而實蓋  
虞夏治迹之所經行夷齊清風之所漸染宜乎薰而善  
陶而化者也然則人才之盛豈徒然哉請具陳之唐虞之時董  
父相傳聞喜人爲舜豢龍氏固有功矣而教民稼穡五  
穀有播種之休民物莫安周室爲興王之本非后稷而  
何夏商之時巫咸相太戊巫賢相祖乙固有功矣而苦  
口諫桀甘受殺身之禍應夢作相屢諫說命之篇非關  
龍逢傳說而何周之人物尤有可得而言者矣師服以  
穆侯命名之異而知其兆後禍卜偃以童謡成軍之說  
而知其獲後勝士蔦勸甲生之逃良策也故其賦曰一  
國三公吾誰適從史蘇諫驪戎之伐正言也故其辭曰

山西晉卷五

平陽物

六

晉以男戎勝戎戎以女戎勝晉趙夙畢萬同有滅耿霍  
之功而以耿賜夙以魏賜萬何過也荀息里克各有忠  
故主之義一死於卓子之難一死於懷公之難何憾也  
宮之奇諫虞公得出處之正百里奚相秦穆收霸王之  
功卻芮因齊師納夷吾而謂之惠公至於呂飴甥盟秦  
伯而奉之以歸其功亦不泯矣介子推以出亡從重耳  
而謂之文侯至於欒枝敗楚兵而佐之以霸其功亦不  
少矣敗秦師於殽者先軫也敗楚師於城濮者荀林父  
也而狼曠率兵先驅死於彭衙之陳何其壯耶敗齊師  
於鞏地者士燮也敗秦師於彭衙者先且居也而呂相  
之射王中目死於由基之戰又何其雄耶士燮本號范  
文子其父曰士會平王室之亂而謚為武其子曰士匄



歌彤弓之賦而謚為宣至於囚之子曰士鞅伐秦而返  
 知樂氏之亡奔秦而還 為平公之卿此有功於國而  
 謚為獻子宜矣荀林父本號中行氏其弟曰荀首邲地  
 之戰有料事之明其子曰荀罃執政之日有立君之績  
 至於行父之曾孫曰荀吳不急於伐鼓玄孫荀寅不必  
 於伐楚皆有功於國而謚為穆為文宜矣趙衰勸立襄  
 王卒謚曰文矣其子曰盾制事決刑鮒曰之號其孫貳  
 薄幣重禮有復霸之功此趙之裔所以愈昌也韓厥勸  
 立趙後卒瞞獻矣其長子無忌托疾辭位而有公族大  
 夫之命其少子起代政聘魯而有易象春秋之觀此韓  
 之後所以益顯也鉅麂之觸槐不忍以邪害政也靈輒  
 之倒戟不忍以怨報恩也祁奚舉解之仇得薦賢之公

也董狐斷宣子之罪得良史之直也解揚致君命而不  
 奪於楚何剛正耶李離自歸罪而不罪乎吏何勇敢耶  
 卻缺以夫敬妻之饁卒膺白季之薦揚且子克與三帥  
 讓功而傳之卻犇卻至卻錡同心協謀皆有功於邦交  
 焉魏顆以子擇父之命卒獲柱回之寇盜且子絳有五  
 利和戎而傳之孫舒去車用卒有柶邊防焉羊舌肸之  
 責子產以其鑄刑書以開端也張老之責趙文子以其  
 尚蕪斷以費財也伯瑕號文伯而知鄭之必將火此以  
 人事而占天變也彌牟號景伯而責宋之不輸粟此以  
 君道而觀臣節也師曠論衛君之出足以警動君心段  
 干木拒魏侯之來足以激勵士習藺相如踐懷寶之信  
 而不辱於秦渾池之會使趙有九鼎之重范推脫廟中



之禍而爲相於秦遠交之策使秦有一統之漸逮至於漢紀信受黃屋之災而項羽爲之解圍郢都擅蒼鷹之號而貴戚爲之歛迹衛青霍去病皆有征伐之功而青之三子皆封侯非有將畧之傳如是乎尹翁歸張敞皆有循吏之政而翁歸之三子皆郡守非有義方之教如是乎司馬遷遊江漢涉淮泗乃作史記以發五千萬言之筆雖曰不明哲保身而有功於史學多矣霍光輔昭帝廢昌邑乃立孝宣而秉二十年之政雖曰不諳於大理而有功於社稷大矣胡建斬監軍之奸所以杜絕禍萌裴濟化烏桓之暴所以振揚文教三國之時賈逵爲豫州刺史奏免貪汚而有直刺史之稱關羽爲前將軍威震華夏而有虎臣之號盛遼之功者毋丘儉而封安

出言卷五

平陽坊

八

邑有禹貢之裔者裴秀而封濟川晉之時裴楷容儀俊爽而有兄子裴頠著崇有論衛瓘明識清允而有孫玠好談玄理治飢荒之郡撫貧恤孤則有李矩焉值永嘉之亂棄子負姪則有鄧攸焉若夫得青囊之書洞卜筮之術撰洞林卜韻註方言楚辭此非郭璞乎南北朝之時薛安都之勇比關羽薛強之志比王猛裴松之註三國志裴駮註史記而作文質論者柳蚪也裴延儁涉獵墳典樂遜博通詩書而工隸草書者裴敬憲也裴駿之聰慧崔浩目爲三河領袖薛聰之清介魏主稱其天爵自高薛宣任後周欲行周禮薛道衡仕北齊脩定五經兼有世務學業者柳莊也少有氣幹將畧者裴叔業也裴沱五舉秀才再舉孝廉而有清白之操柳遐不屑



梁之仕不赴周之辟而有高尚之風裴果河梁之戰勇  
 冠當時楊標馬渚之濟功在社稷裴俠戰沙苑以功封  
 侯而有獨立使君之號裴濠刺三州以寬得民而有淮  
 肥流涕之思檢斷鹽池爭訟者柳崇也稱為士品第一  
 者柳世隆也晝夜祈禱以明祖父之目則有若張元家  
 貧躬耕以養祖父之身則精薛澄以隋言之柳旦守龍  
 川而開設學校柳昂刺路州而作興風俗丞大理而處  
 法平允趙綽也刺洋真而考績最裴蘊也以輕騎五  
 百直取金陵則有若韓滉虎以幼年十四哀毀親喪則  
 有若柳雄亮王通續六經作中說教授河汾慨然有傳  
 道之志門人謚之文中子宜矣張文詡習三禮通三傳  
 家貧灌園超然有隱身之願鄉人為之立碑頌宜矣逮

至於唐薛收之書檄辭若素成矣至於兄子薛元敬專  
 掌文翰而族孫薛稷之文有如良金何美也裴琰之决  
 獄號霹靂手矣至於其子裴灌諫止營繕而從子裴寬  
 之不屈權勢何剛也張嘉貞為之兄而有嘉佑為之弟  
 時號鳴珂然通五經為賢相者嘉貞也以張延賞為之  
 父而有弘靖為之子同登台輔然歷四鎮為循吏者延  
 賞也裴寬兄弟八人皆擢明經而裴子通兄弟八人以  
 孝行聞皆人所難也董晉父子五人皆登顯仕而王勳  
 兄弟四人以科第著世所少也裴炎當武氏之亂固  
 請歸政而弟洵先面陳得失亦為有志也薛存誠當憲  
 宗之惑請為存屠而子庭老性持謹正亦為善繼也盧  
 倫能詩文而與十子之列敘神迎中宗而與五王之



裴寂贊起義與柴紹從征突厥薛仁貴之從征高麗皆  
盡忠於開創之初張志寬之居喪哀毀薛大昇之浚渠  
通商盧陵之著經決議皆馳名於貞觀之世裴敬尋  
歲能文而為太子左庶王勃六歲能文而撰滕王閣記  
張玄素有回天之力衛次公有持正之名裴守真刺蠻  
州民懷其政而存餘中明經科耀卿擢童子科皆光於  
父也裴中立為宰相倚為輕重而子識為大理官諡為  
學士官皆忠於國也柳芳綴緝國史而子冕亦富文辭  
父子並居集賢院可羨也裴遵慶著王政記而孫樞有  
經世才父子並有才行聞可敬也年四十始擢科者正  
質而教授生徒馬四十不屑仕者薛戎而放意江湖馬  
柳宗元之文章卓偉可謂之才子裴垵之器局峻整可

山南省卷五

平陽物

十一

謂之賢相撰隋書者王績善於品藻而有東臯子之號  
撰姓系錄者柳沖多所研綜而有次敬淳之名樊澤威  
信著于襄漢而子宗師留心文事韓昌黎為之誌者即  
此人也裴行儉風鑑著于銓曹而子光庭創資格宋瑒與  
之者即此人也柳澤劾周慶何持身之介也張琇殺楊  
汪何愛親之誠也裴冕呂諲皆有功於至德之日范希朝柳瑞  
晨皆效勞於奉天之時呂涓識瑞  
柳所以育英才也呂溫贊凌煙所以揚幽德也崔元亮  
移疾東都而朝廷每推其名司空圖隱身中條而盜賊  
不入其境五代之時梁有裴迪善治財賦唐有裴諱每  
陳闕失宋之人物又有可得而言者王繼勳以武勇在  
軍而有王三鈇之號苗訓以天文著名而有黑光相盪  
之應張觀趙鼎皆為御史者也一陳十餘事一陳四



事其忠義事君上可見矣董孝章邢濬皆在平陽者  
一十世同居一八世同居其雍輯處宗族可知矣薛奎  
舉進士首選有剛明之操薛田知延同二州有幹敏之  
才孫復著春秋發微而富弼薦之侯仲良惡見佛像而  
朱子稱之薛顏善於治水而其孫向知州有聲謚為恭  
敏宜矣其孫紹彭以翰墨稱紹昌以司寇顯顏可謂有  
人矣司馬池早於辭位而次子光為宰相有聲謚為文  
正宜矣其子康以孝行稱其孫朴以死節著池可謂有  
後矣劉永一之焚券輕財而重施姚宗明之廬墓父作  
而子述劉綜知并州所至有幹而弟綽為郎中亦有可  
稱者也孟宗政為都統所至皆畏而子琪為將亦有可  
取者也元之時斬和知絳陽政治公平而子用以僉庶

訪司有聲楊守則遷總管才能著稱而同邑郝溫為行  
省即中有聲焉姚天福為御史諫罷按察李謙亨為御  
史諫造佛事邢飛翰為御史劾廷臣之姦徐毅為御史  
陳臺省之要許國禎薦引名士有桃李之聲尉遲德誠  
刺擊姦吏有鷹鷂之傑著康莊文集者王泰亨而謚清  
憲為奎章學士者郭思貞而謚文憲王士元為司業文  
行可法而著拙菴文集者張翥為祭酒誘掖能勤而著  
忠義錄焉賀貴收墜傾尸獻助軍費而子仁傑孫惟一  
相繼為留守陰德之報也傳起熾初為相掾後為經筵  
而馱敬牛光祖相繼雲南才學之士也諸君實悉力  
守准殆數百戰精忠大節比之張巡喬彞整冠聚妻  
子悉令入井孤忠大義謚之純潔逮至我



朝通政使蔡瑄右通政王錫李素通政參議祝春皆出  
納惟公布政使馬有圖參政賈正儀右參政李寅皆恪  
勤不懈蘭芳爲工部侍郎才能綽著高鐸爲刑部侍郎  
才識明敏至於始爲祿丞終權都憲伸克理枉安善去  
邪又袁泰也天順以收人才皆出有聲天下吾未得而  
枚舉也

### 大同府人物

論大同之地北狄所居論大同之名乃五代所定蓋  
冀州之域昂畢之星周爲并州秦爲代郡雲中東連上  
谷南達并恒西界黃河北控沙漠京師之藩屏栢梯之  
奇觀也人生其間多尚武藝固矣然渾厚質直自昔而  
然豈無磊磊人物有可齒於天下者哉請具陳之漢有

山西自卷五

平陽人物

十一

范升習梁丘易晉有魚豢勝著正天論而三國之時呂布  
有討董卓之功張浴言曰收孫權之功南北朝言之叔孫  
建鎮平原禮愛賢士燕鳳爲長史明習陰陽長孫嵩從  
太武累著軍功而三世有公卿之任一曰道生封上黨  
一曰冀轡揚州一曰倫刺荆州獨孤信從孝武累獻奇  
謀而三女有椒房之貴一爲周明帝后一爲隋文帝后  
一爲唐高祖母于栗磾自少扈戎臨事善斷而子謹位  
重謙抑尚細繡之尊其生何榮也斛律金自少行兵用  
匈奴法彌光忠勇有謀不幸爲祖挺之譖其死可哀也  
伊馥走及奔馬有勇將之才尉元開府統將得夷人之  
心陸侯從征赫蹏封東平王而子馥亦追父風焉薛處  
子累官徐州賜諡曰文而子淑亦繼父志焉古弼少忠



譚而太武稱之曰國之寶也張綦忠直而北史論之曰  
齊之良也于什門使馮跋以兵留之歷二十四載而後  
歸不愧蘇斌節矣朱長生使高車以兵脅之歷三歲而  
後反不愧男爵之賜矣陸凱號良吏而二子曰晞曰恭  
負振時之譽其孫曰叩曰又抱博學之才皆有可取者  
也樊子鵠能臣而賀拔允與弟 岳俱鎮恒州于翼與  
兄寔俱蒞渭州皆有可稱者也尉遲迥任周有撫夷之  
效房兆往隋而有擊胡之功至於于仲文撰刑繁有筆  
削之學柱彥平陳國有汗馬之勞凡此皆隋之人也以  
唐言之尉遲恭討王世充有絕倫之勇侯仲莊拒僕固  
懷恩有藩屏之力五代之時仕於唐者若周德威郭崇  
韜一死於戰一死於諛而安重誨之却貢獻皆盡忠於

唐者也仕於周者若周密史彥超一為三鎮節度一為  
威德軍節度而郭崇耻臣契丹皆效勞於周者也以宋  
言之陸萬友造舟濟師雖不死周而功烈可紀也党進  
舉挺書數雖不識字而朴實可嘉也李漢超為齊州防  
禦善撫士卒而有聲於邊鎮李重誨為忻州巡檢驍機  
變而有聲於邊塞折御勳折御卿兄弟也然御卿從征  
河東力疾出戰而御卿之子惟昌惟昌之弟惟信惟忠  
盡力於趙保言寇亂之時折繼閔折繼宣折繼祖兄弟  
也然繼閔從征元昊寇至不犯而繼閔之子克行克行  
之子可大可適皆盡力於种鏐出塞之日畢士安決策  
北伐其動業無比矣而子世長慶長皆仕於廷曾孫仲  
行仲將仲俞皆播其譽畢氏之盛如此也姚寶戰死定



州其忠勇可尚矣而子曰兕曰麟皆有威名其  
曰古咸有勇畧姚氏之盛如此也遼有陳昭叅邢抱朴  
金有虞仲文程震至於劉撝號南山翁其子汲號西岩  
老人皆有文集而曾孫爲御史則有若劉從益也王元  
節爲密州判官其弟元德爲南京提刑皆尚氣節而孫爲  
御史則有王國綱也若夫田琢雷思爲轉運高汝勵楊  
沃衍爲刺史程輝楊伯通康元弼爲尚書皆當時之名  
臣以元言之孟擊麟魏璠一陳七十事謚文定一陳三  
十事謚靖肅趙世延程思庶一効桑哥之奸而謚文忠  
一効阿合馬之奸而謚敬肅譯大學衍義者則有若趙  
璧建大極書院者則有若楊惟中趙璫之讓兄吳思達  
之救弟孫公亮一甲工耳然練習國典爲可用賈進一

山西晉秦五

六府人物

十四

布衣耳然賑濟飢寒爲不易上忘之說者雷膺也陳時  
務之要者崔咳也崔斌爲行省左丞進危謹之論吳明  
爲國子助教獻定本之書逮至我  
朝田燭一監生而官至吏部侍郎勤慎有爲耳曹德一  
摠旗而官至中軍都督勇銳能奮耳王孜爲戶部主事  
溢事勤能李彝爲按察使治獄平恕至於始爲禮科給  
事中有老成之量終爲布政叅議有循良之聲此非武  
達乎天順以後人才世不乏人吾未得而數之也

### 汾州人物

地曰冀州天曰參星此汾州之疆域也魏曰西河金曰  
汾陽此汾州之名號也考其地春秋屬之晉戰國屬之  
趙而分州之名定於唐也迹其山川峭拔故其人重厚



知義尚信好文然則人才不亦有可舉者哉請具陳之  
漢之時有郭泰言高而志大行潔而量洪中角之折仙  
舟之望其爲時所慕者如此也晉有王延堅孝敬而兆  
魚躍之異宋隱精學問而仕慕容之朝以南北朝言之  
宋隱有族子曰弁累官吏部有王佐之譽矣而弟<sub>胡</sub>尹  
河南操行可取也宋弁有從子曰世良累官太守有循  
良之政矣而弟世軌官大理寬恕亦可嘉也至於爲王  
遵從事爲楊佺期發師非張濟子以唐人物言之宋務  
光調洛陽尉應天水求言之詔<sub>賜</sub>綸<sub>正</sub>諤蹇之風此其  
節可知矣宋之間爲脩文學士與常維稱爲二妙與弟  
之悌之慈稱爲三絕此其才可知矣至於盡孝親之行  
創孝義之名非鄭興乎五代之時有薛融博通墳籍有

李彥從精熟武畧焉宋之時王嗣宗舉進士第一累爲  
轉運稱職矣然自其祖四世皆歷州郡之官焉文彥博  
爲將相五十年與富弼齊名矣然至於子八人皆歷清  
要之官焉楊瓊田紹斌皆爲團練使而有征伐之勳辛  
仲甫趙昌言皆爲吏部尚書而有功名之譽上平交州  
策者則有若侯仁寶上治河之策者則有若李渭狄青  
之破智高勳業巍巍不可尚矣且戰陣圖平蠻記藏之  
秘閣郝質之平賊功績炳炳不可捨矣然爲<sub>都</sub>指揮  
使人合於紀律侯延廣居寧州而夏人遠避有干城之勇  
王尙徙廣西而節義磊砢有日月之光至於討江南之  
蠻平山後之羗又李浩也元之時杜豐爲長官有德政  
子思敬爲中書左丞克紹先人之緒張益舉進士第



一而子太猷為儒學提舉克追乃父之風至於呂沆官  
廉訪志操脩飭柳誠官助教德行淳篤而我

朝之辛彥博馭歷中外綱紀憲臺咸有可稱者天順以  
後人才累累不絕吾未暇論也

遼州沁州人物

晉曰遼陽唐曰樂平此遼州之名異也然考其名則創  
於隋隋曰義寧唐曰陽城此沁州之名異也然考其名  
其前龜山鎮其後則又沁州之形勢也此二州者本  
皆冀州之域周屬之晉繼屬之韓繼屬之趙而其風俗  
則一剛悍朴實一勤儉朴實也然則人物夫豈無一二  
可言者乎請具陳之遼州人才求之漢唐不可考矣宋

出西晉表五

沁州人物

去一

有薛超初為虎捷卒宣剛勁之力繼為虜候吐謀畫之  
奇當王全斌之伐蜀雖為麾下也然百死一生之中能  
獲俘獻馘而功烈亦不可少矣當太宗之伐太原雖非  
主將也然屢戰屢敗之餘能冒圍突陳而才畧亦不可  
輕矣以我

朝言之傳復有言貞之名高魏有孝親之行此又遼州  
之人物如此也沁州人物求之唐不可考矣晉有石勒  
雖為羌夷之種而好觀漢書以韓彭自許李熹雖有仕  
魏之過而初拜中丞以剛介自持五代之時郭饒為沁  
州刺史有循良之績為百姓所歸心焉郭延魯為復州  
刺史有蠶桑之政為州人所避道焉以我

言之趙彙冀兵部郎中之任有練達政務敏此又沁州



之人物有如此也夫三州人雖寥落不衆然  
聖明御極聲教四敷當必有大才為國用者濟濟也又  
豈但石勒輩可得而言哉

### 潞州人物

商曰魯國周曰赤狄晉曰潞子此潞州之域所以定也  
秦名上黨唐名昭義宋名隆德此潞州之名所以異也  
蓋其地居天下之脊當河朔之喉肘京洛復蒲津實矣  
文參野之星河東堆勝之地也論者謂是邦其俗民儉  
質而力農士氣節而尚學然則人才豈不與他州等乎  
請具陳之周之人物有豫讓焉報仇至於三起拔劍至  
於三躍可謂節義之士矣若夫以漢言之馮奉世為右  
將軍有破莎車之功而其子曰譚曰野王曰玄曰參有大

西晉卷五

潞州人物

十七

馮君小馮君周公康叔猶三君之歌奉世可謂有子矣  
至於有破青犢之功封中陽侯者非鮑永而何晉之人  
物有續咸焉為東安太守者汲冢古文釋可謂文學之  
士矣若夫以南北朝言堯暄為大司農有不心之節而  
所遵曰榮曰傑曰雄為員外散騎開府三司大都督之  
官堯暄可謂有幾至於以善風角之功封屯留子者非  
李業興而何逮至於宋李處耘以討平潞澤而遷樞密  
副使矣其女為皇后不偶然也且其子繼隆禦契丹有  
功焉非子述之乎李繼昌以招安賊黨而遷州刺史矣  
其子尚公主不偶然也且其父李崇矩征揚州有功焉  
非父作之乎苗授從王韶而取鎮洮王彥從張所敗金  
兵上陟有督餽靈武之武功而至朝廷錄前學忠之得



乎上也秦常有秦親居洞之孝而至賊兵保全其鄉老  
之動手物也以元言之任志歸木華黎而忠節凜然自  
殺其子而不悔宋子貞歸嚴實而方畧沛然善教其子  
而有為謹明理學諫征曰本劉宣之為尚書也謚之忠  
憲何忝乎通貫經史爰陳大義李益之為李士也諡之  
文忠何愧于宋道為修撰高瞻為子方威著其政聲揚仁  
風為郎中靳克忠為御史皆稱其職理我  
朝則有杜敦精通三經徵拜四輔焉天順以後一時人  
傑先後迭出吾未得而悉數之也

### 澤州人物

論澤州之地屬於冀州而春秋屬晉戰國屬韓趙此其  
疆域之始也論澤州之名定於隋室而北齊曰高都隋  
曰長平此其沿革之異也蓋其地有大行之險固為東洛

山西卷五

澤州人物

五

之藩垣山川環抱道路險窄人生其間其性質其氣象  
淳而好義儉而用禮然則人才之生豈無表表然足以  
供用者哉請具陳之漢之時有陳龜尹京兆而能治三  
輔豪強拜將軍而奏免一年租賦初乞歸田里以避奸  
臣之亂後請誅梁冀以蹈殺身之仁此其人可知矣南  
北朝之時有蔡襲田弘為時偉人而田弘之身被百箭  
破骨者九其勇為何如耶五代之時有段思恭張廷翰  
為時聞人而廷翰之初平淮南屢遷虞候其謀為何如  
耶以宋言之宋太祖著簡譚三十八篇有學力也劉義  
叟脩天文十三代史有史才也王忠植受知於胡世將  
成舍生之義王獻可善遇黃庭堅盡尊賢之禮至於王  
壽告蔡京罪而配海島甘心矣逮其從師中用兵而



為金所殺節之不屈如此也王雲撰雞林志而使  
稱職矣逮其從康王使金而為眾所殺命之不卓如此  
也凡此又皆王獻可之子焉以金言殺王麟遊說氣節  
何松堅也趙可自號王峯散人學問何春容也郝天挺  
厭科舉之習寧落魄困窮而不至豪富之門李俊民傳  
皇極之數為承安狀元而自立鶴鳴之號為中牟令者  
李晏個儻任氣謚文簡宜矣為按察使者李仲畧剛介  
特立謚襄獻宜矣元之時鄭昇討蘄黃之寇不愧於  
忠毅之謚賈魯治金隄之水不忝於明經之薦至於書  
無不讀而被留宋室凡十六年學務有用而著陵川集  
凡數百卷又非郝經而誰歟逮至我

朝楊砥穎敏好學以舉進士第而官至禮部侍郎侯璉

山西卷五

澤州人物

十九

勇畧好謀以鄉貢第一而官至兵部尚書天順以後人  
才買珠不絕吾未暇悉數也



山東省

屏石戴璟著

濟南府人物

考是邦之名即夏青卽齊地漢濟南唐臨淄者也披是邦之輿圖即東瑯琊南泰山西濁河北渤海者也蓋其地憑負山海擅利魚塩介山東之衝要列危星之分野其為地亦雄矣故風俗之所濡染豪傑之所振拔或謂其務功名多大節敦厚濶達彬彬然有鄉魚是風嗚呼信哉請具陳之周有公皙哀不仕家臣以養高尚之節秦有茅焦極諫始皇以全母子之義漢之時伏勝林尊皆明於書者也然勝傳今尚書二十九篇其學尤得其

山東省卷六

濟南府

一

真田何揚皆明於易者也然田何著易傳數篇其學尤造其妙終軍年十八而成棄繻之志何英邁也禰衡年二十六而作鸚鵡之賦何宏麗也東方朔以上書為即而正言時有可采高翊以父任為郎而清操真有可法王訢以暴勝之薦而就徵矣且其後居官有政績豈偶得其譽者乎成翊世訟太子之寃而就獄矣且其後居官務嚴恪豈肯變其節者乎張軌之藏書何志識開明也羊續之懸魚何志操廉介也羊陟奏貪汚所在肅然襄楷論災異所言紛若三國之時鮑勛多所匡諫雖被殺而鍾繇申辨之甚明高堂隆多所正救雖天死而曹丕痛惜之甚至臧霸擊黃巾之寇屢立戰功管輅解青蠅之材善論易理以晉之時言之羊祜有伐吳之功羊鑿



有詩峻之功然而祿之德量開豁以披荆棘有可嘉者矣胡毋輔之刺湘州而嗜酒羊曼尹丹陽而嗜酒然而輔之佳言吐露如鋸木屑者可稱者矣解系之奏孫秀以清潔自裁劉寔之家相國以廉耻自勵以南比朝言之爲政有去思者羊玄保也爲守有惠愛者明亮也明僧紹不見其弟爲國不顧其弟也傅伏欲殺其子爲國不顧其子也羊鴉仁事君雖不審所從而改過勇矣羊倨律身雖有近於戲而督力壯矣隋之時明克讓博物洽聞而有聲於翰墨唐之時秦瓊攻城畧地而有名於凌煙然唐之人才不特此也任敬臣以五歲而刻志讀書卒副顯親之願負半千以羈角通博經史不忝童子之科崔融遷鳳閣舍人而寶蓋之頌亦有可觀崔從領

鄆坊節度而羗人之服乃其所化杜伏威之納款利見大人也孟簡之抗論以道事君也五代之時博涉典墳詳明禮樂有田敏焉宋之時摧堅陷敵不殺一人有張令鐸焉不但此耳劉蟠爲諫議大夫而立性清介張雍爲尚書右丞而蒞事勤恪趙鎔一刀筆吏也而能稱部署之任李清照一女子也而能擅文學之名胡旦舉進士士第一而著將相要畧其才之雄可知矣石介舉進士及第而著慶曆聖德頌其學之正可知矣周起上書陳戒與弟起皆藏書之多者也王禹言事委曲與弟准俱適時之用者也張揆論外戚之專妙於諷諫也劉蒙幼新法之弊甘於肥遯也單煦代兄死兄弟之情何厚耶劉庭式娶盲文夫婦之義何篤耶輔贊幼梁適惡朝綱



不根辛棄疾哭朱喜痛道統之無傳由傳作亂而呂  
頤浩謀誅之竟成其志忠穆之謚宜矣劉豫大逆而李  
直謀誅之反害其身愍忠之祠宜矣范正辭辨平民之  
冤王衣活刑部之囚皆爲民造福者也李惟清以佃僮  
自任盧琰以幹集自奮皆爲國任事者也王杲從澤潞  
之戰社稷由之定李格非斷洛陽之占理數以之合逮  
至於元嚴實爲萬戶功德及於一方之民劉敏中爲御  
史忠直形於十事之疏張榮張立劉通皆有汗馬之勞  
齊秉節張均孟德咸有從征之烈張養浩事君而諫張  
澄忠篤而誨之也劉斌教子而禁瀆貨愛馬而勞之也  
劉伯林劉嶷父子也而屢立戰功秦國之封何愧王居  
敬玉居敏兄弟也而咸有器識孝義之褒何漸張起嚴  
舉進士第一而有華峯漫藁金陵集俊逸不凡燁然雕  
龍之態潘昂霄號蒼崖先生而有蒼崖類藁金石例磊  
落不羈鏘然鳴鳳之音韓鏞程益皆有言責也國之是  
非以道匡之謇諤之論陳於帝前洋洋然中膏肓也王  
伯顏張名德皆有官守也宗國之覆以身死之忠義之  
蒐遊於地下凜凜然貫金石也至於張炤爲三路揔管  
經濟有爲而吏民有所震懾矣購萬卷古書甄陶有術  
而生徒有所興起矣逮至我

山夏香卷六

濟南人物

二

朝人物尤有可言者高復知長春禱于廟而雨澤洽野  
至誠之感天地也趙讓丁毋喪廬于墓而虎豹舁形孝  
之格禽獸也秦琰聶震皆以才行居亞卿之位蒲甫賈  
昭皆以學行膺友誼之聲以太學生爲參政則有若宋



性李溢分理大藩政績播於鈐曹以大學生爲御史則  
有若韓禎李濬巡歷郡邑風紀震於僚屬王璉肄業文  
華堂不以既貴意其學而攝事稱旨孫忠進爵會昌伯  
不以既顯驕於人而小心節用郭士原有保障之勇而  
爲左都督王佐有特達之器而爲大司徒孫恪爲參議  
家無蓄積其清如水矣孟善在督府功在邊防其堅如  
城矣天順以後人才相繼迭出以鳴國家之盛何可以  
累數之哉

兗州府人物

軻書之敘道也自堯迄于孔昌黎之原道也自堯終於  
孟夫此二氏者生於鄒魯而重於古今直百聖之冠而  
萬世之師也此非鍾天地之秀萃山岳之靈而若是其

以黃者卷六

濟南人物

四一

盛耶故嘗考兗州之域東盤琅瑯西控鉅野北走厥固  
南馳互知此其風土之卓異而人才之聳拔宜矣由是  
至教所陶人人多儒雅之業流風所被世世尚廉耻之  
風詩曰高山仰止吾於兗州云然請具陳之俾下惠得  
聖之和三公不易其介孔子得聖之時萬世皆仰其休  
杏壇開帳高第盡簪故始教而受學者頗無繇也其子  
顏回契四勿之教言志而吾與者曾點也其子魯曾參悟  
一貫之旨閔損用耕以德行著而損之其心服蓋其行  
尤爲淳篤也冉求仲由以政事顯而由之抗志結纓其  
操尤爲剛方也宰予之智足以知聖人嘗譏以論粟社  
病之乎煩若裝言難以辨孔子道可以暴飲賜稱非倖也  
南宮适疑禹稷克尚其德君子若人之譽非誇也樊須



雖被小人之斥矣然屢問仁智亦必有所進焉申張雖致不剛之斷矣然見推門人亦必有可齒焉公西赤服章甫堪爲小相之事必不齊令單父克當君子之名林放之問禮識其本也商瞿之受易得其傳也澹臺滅明乃武城之人蒙公西箴乃魯邦之人望秦非樂善慕道而鄭國則守清脩之節者也冉孺勤學好問而榮旂則務爲實之質者也喆學涉道者非漆雕徒父乎進學廣業者非叔仲會乎顏高得孔門之微言伯虔得孔門之儒行志存正大有若却異學出群類有若縣成學已成器則顏噲其人也好學不倦則漆雕哆其人也施之常有賢德公祖句茲有令儀勤於學業者顏幸謹於言動者申黨而商澤有法監之才焉精於悅道者左人鄧勤

於講學者冉季而奚容箴有正大之氣焉凡此皆孔子之弟子也若夫受過庭之訓者孔鯉也作中庸之旨者孔伋也孔子之兄子曰孔忠封鄆城侯子思之長子曰孔白爲威王相孔斌進策魏王而設燕雀之喻孔鮒收藏遺籍以避坑焚之禍十世孫孔真該博古今有高尚之志十二世孫孔安國精通尚書有政事之才夾輔漢元則有若孔霸其學術足以格君心也絕仕王莽則有若孔均其氣節足以敦風化也孔偕爲令蘭臺善言辭章帝嘉之其人非凡矣孔融爲北海相表儒術而曹操害之亦命不幸矣東晉有孔衍少通詩書乃二十二世孫也南北朝有孔鮮好學博覽乃二十六世孫也孔宜

限勤學業而次子曰意曰勗皆登來進士愈遠而愈光



也孔道輔正言直諫而父曰勗子曰宗翰皆爲宋侍  
愈久而愈昌也仕於金者曰孔端甫乃四十八代孫  
德俱高讀書樂道仕於元者孔思晦乃五十四代孫  
資性端重讀書講理凡此皆孔子之後裔也若夫自周  
以下人物之盛又有可得而言者焉公儀偕砥功礪行不  
事諸侯而子思爲之友公孫儀拔葵去織不爭小利而  
太史公爲之傳至於孟軻氏學問淵源負巖巖之氣象  
行檢嚴恪掛曉曉之異端上以承孔氏之傳下以開濂  
洛之緒此又深有功於聖門大有功於後世也以漢言之  
彭越特遊擊之兵雖不克終而有以成垓下之功叔孫  
通制綿葛之儀雖不堪正而足以革折柱之習申培公  
以魚呂詩傳授而致蒲輪之迎夏侯始昌以齊詩教授而

出黃雀矣

徐州人物

六一

知栢梁之災高堂生子孟卿孟喜后蒼疏廣皆長於禮而  
后蒼之兼通齊詩疏廣之上疏謝事尤卓卓也江公王  
式耆賢帝玄成皆長於詩而王式之諷諫昌邑帝賢質  
朴篤學尤表表也朱雲善論易蕭勃支善論詩而二子  
稟稟氣節尤相類也馬宮善論春秋夏侯勝善論尚書  
而二子藹藹謙和尤相似也丙吉魏相寬嚴相濟而于  
定國駟馬之乘治獄明且仁矣王章薛宣舉劾不避而  
史丹青蒲之諫言事正且直矣龔遂治渤海勸農去盜  
王望刺青州發廩賑飢臣衡雖有可病然說詩得聖人  
之旨也貢禹雖有可疵然明經爲朝臣之選也陳湯矯  
制而有破卸支之功其智足以應變矣劉虞勸農而有  
保青余之功其才足以齊人矣檀敷魏應皆教授也一



從學之人數百一從游之人數千而有以立師道焉王  
良毋將隆皆教授也忤王莽而遠竄一避王莽而隱居  
皆有以植行檢焉鄭弘鄭昌兄弟也昌守涿郡弘守南  
陽昆弟同一際遇矣王龔王暢父子也龔劾貪濁暢務  
清白父子同一制行矣曹褒治慶榷而爲群儒之宗雖  
有纖綿之雜不足力詆也何休釋公羊傳而窮六經之  
學雖有墨守之專不可盡非也度尚爲上虞長發摘奸  
僞而神明之號燁然沸騰仲長統爲尚書卽慷慨言事  
而昌言之撰浩然抗直張儉闔門懸車於曹氏爲政之  
曰君臣之義盡矣豈肯爲媚與竈乎范式克期赴召於  
張勳爲友之時朋友之情篤矣豈肯翻覆雲雨乎寒朗治  
楚獄以仁恕爲心魏霸守鉅鹿以簡朴爲政以三國之

世身卷六

兖州人物

十一

時言之王祭博物而來倒屣以迎之敬劉楨能文而  
與建安七子之列王卽諫射獵數數然不止忠則忠矣  
而王肅著諸經傳註文學有光於父李典立戰功恂恂  
若不及謙則謙矣而王彌注周易老子文學觀於時諸  
葛亮諸葛瑾諸葛誕本親兄弟也而分仕二國人不以  
爲疑然亮進出師之表畫八陣之圖萬世仰之如魏巍  
北斗照域中也諸葛恪諸葛瞻本族兄弟也而分仕兩  
國人不以爲過然瞻誅誘降之使恪守捐軀之節萬世  
尊之如赫赫雷霆行天上也晉之特馬隆克平涼州而  
毡裘爲之寒唐彬從征江南而旗蓋爲之仆郗詵舉賢  
良對策曰臣猶桂林一枝崑山片玉其多才可知矣苟  
孫督青兗流涕曰殺卿者刺史哭弟者道將其公平可



知矣王祥王覽兄弟也而一盡其孝一盡其弟卞盡  
卞眈卞眈父子也而一死於忠一死於孝王導以大義  
滅親誦允之以總角密啓征伐之謀尤有功於社稷王  
羲之以善書冠世而彪之以正色拒處分之議尤有補  
於名教劉卞不肯寫黃紙立志何高潔也顏含不肯勞著  
龜見理何明徹也諸葛恢守會稽政績第一郗鑒受遺  
詔忠亮無二繆播雖爲東海王越所害而心事昭如日  
星劉超雖爲蘇峻所害而忠義堅於松柏虞溥嚴厲得  
中而傳經以自娛何無忌忠亮任氣而握節以守死南  
北朝之時檀道濟雖昧明哲然負長城之望何承天雖  
涉畔逆然辨銅斗之異王僧達善屬文而子融文辭敏  
速援筆可待又何捷耶徐摛善屬文而子陵八歲能文

山東省卷六

兗州人物

八

十三通老莊又何慧耶王曇首爲鎮西長史武帝稱之  
曰輔相才李安人爲吳興太守明帝稱之曰封侯相王  
裕之雅性樂山水恬退之節坦如也徐勉與客談風月  
廉介之風激如也王僧孺七歲能讀萬言書而爲中書  
郎多才識王褒十歲能覽史傳而爲左僕射能謙抑卞  
華說經析理士林尊之以爲魁桓康摧堅陷陣江南畏  
之以愈疾王智深則摺宋紀也顏之推則作家訓也劉  
兆作春秋調人書百餘萬言以養廉退之節何敬叔榜  
門受米二十餘斛以濟貧之之人顏協張景仁皆工於  
草隸也檀超顏晃皆長於詩采也何思澄工於文而與  
宗人遜子朗齊名故當時有東海三何之號顏延之工  
於文而與謝靈運齊名故當時有顏謝

於文而與謝靈運齊名故當時有顏謝

之補闕盤



龍有破魏之功蠻夷震其威頰見遠有死齊之義天地  
鑒其誠守新安者徐伯陽孝友之行著於家國守宣城  
者何遠公清之德服於黔黎以唐言之程知節塞旗先  
登盡形凌煙閣王雄誕愛人撫士進爵宜春公賈敦頤  
賈敦實先後刺洛州之郡而崇棣碑立於當時顏杲卿  
顏真卿先後死安史之亂而魯公廟祠於後世王難得  
挾矛隸馬斬吐蕃之將何勇也李世勣畧地攻城破高  
麗之衆何智也顏師古撰漢書注而難於弟顏相時撰  
漢書決疑而難於兄張公藝九世同居而齊家以忍字  
百餘爲先劉晏八歲獻頌而理財以養民五事爲要呂  
元膺之縱囚來歸以德化人也伊慎之屢立戰功以身  
衛國也五代之時王彥章任梁而不更二姓其忠義有

以激頑闇寶仕唐而不憚百戰其智勇足以制敵王朴  
獻策而達樂之首學識超卓顏衍稟官而侍親之疾孝  
愛精純逮至於宋翟守素歷內職五十年寬仁勤慎梁  
顥中進士第一人明敏粹美張齊賢製十策以獻太祖  
曰西都得一齊賢梁適自爲文以獻真宗曰梁顥可謂  
有子王禹偁九歲能文傳堯俞十歲能文王博文十六  
歲能文皆聰睿矣而王禹偁之正色敢言尤足以臨大  
節吳祐之有集三十卷梁固有集一十卷柴成務有集  
二十卷皆宏麗矣然而固之慷慨尚義尤足以光先烈  
夏侯惇淳謹無過畢士安歎曰若夏侯在難據此位晁  
補之嗜學不倦蘇東坡稱曰其文博辨雋偉必顯於世

任中正知益州尊張詠之約可謂名吏矣其弟中師自



奉儉約號大塊稱馬頰大初爲直講繼顏淵之志可謂  
名儒矣其子復自處有道應嘉祐詔馬尋以掠困粟  
者不以強盜論而以爲脫苑決獄何仁恕也榮譚以採  
銀者不以劫論而以爲無知審刑何欽恤也穆脩爲古  
文而變五代之陋郭勸諫廢后而正三綱之本方河決  
之變竇卞擅發常平之倉其言曰吾寧以一身活數萬  
人何憂國如之友學禁之嚴馬伸欲求中庸之教其言  
曰使伸得聞道死亦何憾何篤學如之李迥辦軍需有  
功於南渡勸進之日李昉持大義有力於苗劉作亂之  
時龔昇臣言事不激而發摘奸伏者李參也馬默諫爭  
不避而引援人物者梁燾也智高之亂孔宗曰罵賊而  
死至今言之令人毛聳伏寇之遇王師道力戰而死至

山東省卷六

兗州人物

十一

李言之令人股慄李師中送唐介之詩衆口傳誦如獲  
拱璧燕度上權璫之奏輿情稱快如脫沉疴魏能材力  
絕倫而契丹爲之敗走可謂守關之虎豹也畢再遇武  
藝超人而泗州爲之恢復可謂中流之砥柱也逮至於  
元王鶚自幼日誦千言及爲學士典章皆所裁定李稷  
八歲能誦經史及爲參知政事始終皆以忠勤王王汝  
視事六日煥然一新耶律材高之宜矣張維翰陳喜孫吳公  
器屬士羅英稱之宜矣拒罵旗之議楊桓辨王  
柔輯要李昶著孟子權衡顏瑜拒罵旗之議楊桓辨王  
璽之非曹元用定郊祀之儀趙天麟進金鏡之策商挺  
以征伐有功屢建大議而其子曰琬曰琦皆以文學終  
其業亦可尚也王構以祠賦中選數引名士而其子士

無上法或以文學世其家亦亦嘉也王旭正於文而與



三王之列卒有常勤于道而終宣慰之官王閏救父於烈燭之中孝行何懇懇耶樊執敬死節於擾攘之內忠義何凜凜耶僉庶訪司者王思誠而異蹟著聞任左司郎中者張昉而公平如一李洞上進輔治之篇有補於啓沃李謙陳正心之疏有益於箴規逮至我

朝于睿趙臨王麟皆以大學生而累官中外有政績賈諒劉文劉逸皆以鄉舉而歷任中外有聲譽師達爲戶部尚書兼掌吏部事有德量之洪張本爲兵部尚書兼掌察院事有仁恕之美宋亮以明經舉馬貴以才學超卓舉然一爲參議有能聲一爲御史有直聲張琛以舉人舉歐陽恭以耆老才德舉一爲郎中有孝行一爲參政有德行韓克忠以進士爲脩撰學篤行淳王晟以進士爲僉事守死喜道天順以後人才皆出絡繹不絕吾未得而悉數之也

### 東昌府人物

考東昌之地本夏之兗州星之危室寃東昌之名本齊之西鄙漢之東郡蓋其南接濟兗北連德景實宋魏齊魯之衝無名山大川之限此是郛之疆域如此也說者謂風俗近敦厚家習禮遜賢良宏博多文學之英以今考之信有可驗者矣豈不足以垂芳声於久遠者乎請具陳之周有孫臏負將帥之畧而威竈之計何其奇漢有汲黯近社稷之臣而積薪之喻何其直然漢之人物不但此耳尹齊爲御史有治盜之功謝弼除郎中論青蛇之異賈宗劉需皆名臣也然一無兗州之版而

以黃省來六

兗州人物

一五



有賈父來晚之歌一死實武之難而有口訥心辯之譽  
劉瓚趙苞皆爲太守者也然一以直言不避而罹黨錮  
之禍一以守城自殺而全忠孝之名從曹瞞征伐而先  
登有功烈樂進也從鄭玄受學而居官自威重崔琰也  
三國之時崔林爲政多存大体潘璋帥軍甚肅禁令若  
夫晉之時人物亦有可言者劉寔著崇讓論所以矯奔  
競之風劉智著釋疑論所以發聖賢之旨華嶠作漢紀  
良史之才發於筆下吳隱之賦貪泉清白之操溢於言  
表王鑒勸征杜弼除暴以靖國也步熊痛絕趙王倫遠  
奸以保身也華廙爲侍郎而弘敏有才忍非能臣乎華  
桓爲常侍而清儉無餘甚勇廙吏也南比朝之時崔宏  
之才號冀州神童而崔浩善天文崔逞接燕記皆武城

人以文鳴者也崔光之才號黃河東注而崔勵有父風  
崔鴻有著述皆清河人以學顯者也崔休之清白崔亮  
之公清崔光韶之博洽至於作觀射詩者崔仲文何敏  
捷也崔景真之清勤崔彥穆之閑雅崔悅之端凝至於  
作海岱志者崔曄祖何涉獵也李彪上封事十條言事  
之顛切形於奏疏崔灵恩教生徒數百人析理之精致  
播於士林張彝歷覽經史而巡十二州有聲矣張譏篤  
好玄言而自十四歲有聲矣王榮世燒府庫殺妻妾節  
義襲入者大李脩舍病人就棺殯德澤及人者深房法  
壽爲魏郡太守而族子昱循涉經史仁慈寬愛德及一  
方劉昭注後漢書而子綰通三禮風流跌宕名高一時

張晏之爲刺史百姓爲製善德之頌路上二病爲御中書



感多被彈劾之威隋之時崔儵年十六而郡守有功曹之擢乃不就徵遷三曹而時人有灼灼之謠初非過譽張虔威審視後對法石達數馬之事也張虔堆口對皆合酬秦案囚之問也以唐言崔善為精於曆數呂才精於律呂劉祥道鞏銓敞而于齊賢懷方直之性太宗為之贊美吳濬簡官市而弟淑死朱泚之難德宗為之悲哭杜暹五世同居為參軍之日撫戎練士至於杜鴻漸說徃灵武上表勸進此則暹之族子也崔邠三世同爨為補闕之曰首論延齡至於崔郾家不藏貲有輒周給此則邠之親弟也王元感撰書糾繆等數十篇魏知古稱之曰五經指南也崔群論開元天寶治亂數十言范祖禹稱之曰聖人至言也崔威為御史處正特立風采

良省卷六

良省見人物

十三

動於廟堂路巖為節度使撫循邊軍恩德感於蠻寇孫伏伽陳三事人服其直矣而崔鉉論蹠躅之非尤懇惻也崔彥昭侍毋膳人多其孝矣而孫揆死於李克用之禍尤忠誠也五代之時葛從周仕梁而顯於軍功楊邠仕漢而長於吏事若夫宋之人物尤有可得而言者王枯明符彥卿之冤手植三槐其有以試之矣枯之次子曰旦應酬西北綽然有餘而為景德賢相枯之季子曰旭颺歷中外卓然有績而為兵部郎中至於素乃旦之季子也諫進女而有異斷之號知成都而有懿敏之謚若夫輩之俊才靖之力學皆有可觀也李迪少從柳開之學廷試一人其有以來之矣迪之長子曰柬之以學士射事而服幅巾以見客迪之從子曰肅之以學士盧



墓而取詩書以訓弟至於及之乃迪之從子也次唐史而撰龜鑑之書官大理而致獄空之劾若夫孝墓之登第承之之讓兄皆有可嘉也譚延美知寧遠軍設開明之計而契丹爲之遁去張璠討壽春爲蔽矢之忠而太祖爲之無虞晉居潤薦流倫知人之鑑如其哲也李垂絕丁謂守身之節如是其昂也王沿興水利矣而張詠知益州築隄灌田其事類也馬元方貸庫錢矣而倫起爲轉運移粟賑飢其心同也張昭號逍遙先生雖失節而博學也靳懷德爲益州幹轄屢更任而著功也錢守俊以三十六創立戰功克堪禁衛之任劉謙請以六月給冬衣盡撫軍之法張遜副樞密小心謹慎而有子兩人皆顯高弁從种放文章純正而有文三篇可觀廉

公諤令萊蕪致醜釜生魚之歌王巖叟論章惇入元祐黨人之籍王鼎卻增年之請不敢欺君也耿端義上遷都之策善於謀事也閻詠爲河南治中氣節豪邁而子康擘篤信好學四方之士經其指引張奎知鄆州風力精強而子燾才知敏給滿朝之士服其籌畫孫奭辨天書之非排難甚正馬定國辨石鼓之畫引據甚明張質纂輯兵要而悉知利害之詳孫瑜保護賢才而不爲陰擠之計宋九嘉有奇氣沒於癸巳之難毛佺有大節死於遷蔡之變宋之人物如此而仕于金者亦如彼矣逮至于元閻復作封孔子之荆辭傳誦士夫之口焦養直侍世祖之帷幄與謀國家之政孝符曾閱學紹朱程則

有命事王德新也堂名萬卷齋而名文會則有世澤我士張



汝鄉也岳禎為建康路總管定救荒之政梁宜為河南  
路總管成循吏之名齊榮顯樊揖皆以軍功顯於朝廷  
朱汝諧陳舜咨皆以孝友聞於鄉黨岳存治楚丘惠政  
有所周洽司庠官西臺梗直無所顧忌以我

朝言之郭敦鎮守陝西悉革宿弊能吏也趙巖供奉父  
毋悉竭其力孝子也禮部右侍郎王士嘉辭老致仕以  
養高尚工部尚書吳中先事蓄財以應時需按察使李  
懋副使史曄皆以才行著于外布政司參政劉昱參議  
吳祥皆以才能重於時天順以後人才層出代不絕人  
吾未暇以枚舉也

### 青州府人物

以土名青州之域昭垂於禹貢以星列危虛之區具載

山東省卷六

東昌人物

十五

於周禮蓋其地即太公之所封東有卽墨之饒南有泰  
山之峻西有濁河之限北有渤海之利誠四塞之固東  
道之雄也士生其間好經術矜功名雖豪悍之習未除  
而文物之風可羨矣請具陳之周之時杞梁以忠義自  
許而左傳紀其事焉成鬪以丈夫自期而軻書述其言  
焉公治長之縲綆非罪后處之言行不乖至於步叔乘  
有力扶聖道之功皆孔門之弟子也孫武著書十三篇  
騶衍著書早萬言至於騶忌騶奭有駢子之號皆當時  
之偉人物也黔婁子守道不屈萬乘之君不得而友王  
蠋守節不更萬家之邑不得而汚田單火牛之策決勝  
千里而朱子謂其智顏蠋處窮之力用藥四味而東坡

謂其巧子奇方十八歲有宰東阿之功田文卷三千人



有絕河渭之績至於魯仲連下聊城之圍齊王欲賜一爵而不受邵帝秦之請平原君欲賞千金而不受所謂鷹隼高飛虎豹長嘯者不以漢言之田橫客五百以死節著凜凜乎至今有生無死也轅固年九十餘以賢良徵落落乎與人不妄辭也韋叡諫高祖之北征其繫械而不辭號建信君宜矣鄒陽爲梁孝王之下獄乃上書以自明卒爲上客宜矣胡毋生公孫弘皆治春秋者也然弘之待詔金馬不若毋生以經術開後學也兒寬歐陽生皆治尚書者也然生之講經石渠不若寬之以經術飾吏治也主父偃嚴安皆上書言世務而蒙超擢之榮周堪師用皆上疏論權效而遭貶黜之辱薛方遜言於王莽慕祚之時而守巢由之節伏湛保民於更始虐政

以賢省卷六

青州人物

十六

之曰而行鄉飲之禮伏隆伏恭伏黯皆以才行鳴者然隆爲張步所殺殺身以成仁也恭爲明帝所師正身以垂範也歐陽歛牟融皆以文學鳴者然歛以尚書教授數百人於作太守之時達而蕪善也融以尚書教授數百人於隱居之日窮而首材也江革董永皆爲人子然革以忠誠化強暴而有巨孝之名永以忠誠感天地而有織女之異其迹同也邴原管寧皆爲人友然原教授生徒而儉德以避難寧之隱居遼東而潔身以去亂其迹一也王脩念母之篤而鄰里爲之罷社周璆律身之嚴而陳蕃爲之懸榻承宮舍牧豕之陋而成大儒董恢馳呪虎之名而爲循吏郎顛以星筭陳七事召拜郎中

洋病不沈然無以水畧射九工疎斥闕堂中正不河三



國之時國淵進列卿位而布衣蔬食故舊沾散祿之惠  
王裒痛父非命而攀栢垂淚門人廢蓼莪之篇徐盛羞  
與邢貞之盟志氣欲并許洛也徐奕從征馬超之亂忠  
亮無愧古人也晉之時徐邈你五經音訓後學爲之宗  
師徐廣作車服儀注百家爲之研覽左思作齊都賦而  
洛陽紙貴張華稱之曰此班張之流也王猛爲符堅相  
而關陝政和符堅稱之曰此孔明之遇也王尼不拜東  
海王越其料何綏智何其明王鎮惡不附沈田子其定  
三秦功何其懋南北朝之時臧燾以后兄爲太常彌以  
冲約自守王憲以廷尉爲太守益以公清自操王昕爲  
魏常侍風流醞籍而武韞每見正冠之敬孫肇爲齊助  
教勵志勤學而神武有折我右臂之傷劉勰撰文心雕

龍五十篇而沈約重之至任昉撰文章數十萬言而王

儉推之深王晞養母棄官其言曰非不欲作熱官但思

之爛熟耳真格言也賈思伯居官下士其言曰衰至便

驕何常之有真妙辭也劉穆之從宋武帝倉卒之際內

總朝政外供軍旅決斷如流事不少滯孫謙從梁武帝

老耄之年坐施屏風寢鋪莞席劇職自効力不少衰唐

之時房玄齡之樂善不倦而有名宰相之稱段志玄之

拒關不開而有真將軍之譽段文昌出師西蜀來早不

苦雨不愁之歌段成式著西陽雜俎載明而人幽而鬼

之事王敬武擊盜而青棗爲之蕩平猷何壯也孫旣廬

墓而醴泉爲之湧出孝何篤也以五代言之趙襲仕梁

而有拒黃巢之功其卒也陳州爲之罷市孫晟仕南唐



而有念求陵之心其死也唐王爲之贈官以宋言之張  
宏副樞密脩謹守位不求赫赫之譽徐興趣栢谷奮與  
賊鬪不乏矯矯之氣許仲宣轉運江南曲盡饋饋之宜  
王子與父掌茶垣裁量滿邊之制張誅召之而不來者  
傳霖也其論將去來報之說尤爲先兄王欽若致之而  
不從者賈同也其論丁謂欺國之罪尤爲切直李之才  
教授邵雍能深契先天之妙陳規贊協劉琦成大敗元  
術之功楊安國以五經及第行義淳實韓晉卿以明經  
中第政事循良王曾爲三元兩宮嫌隙善爲之調張所  
陳五利兩河事宜曲爲之制王皞撰禮閣新編人推其  
博燕肅造指南記里鼓人服其精趙師民上陳十五事  
有以切爲國之體周沆按斥數千人所以革事佛之俗

莫省卷六

青州人物

十六

明鎬副文彥博討王則端挺寡言仇兪副張琦守廬州  
堅壁不動王輝爲巡檢使茶寇犯邑輝勇於進雖爲賊  
所得而含血大罵其死也日月爭光矣密祐爲都統伯  
顏兵至先與逆戰雖爲虜所執而抗志不屈其死也泰  
山爭重矣蘇不有高行試禮部不中第不踐城市賜號  
冲退名聞干上也蓋自其祖德祥爲狀元有得於祖訓  
李宥善屬文知江寧有善政不納貨賄賜錢百萬簡在  
帝心也蓋自其父覺爲館職有得於家教朱壽隆爲少  
府監爲人和厚怡怡而不屈權貴往顯爲直學士爲人  
剛毅倨傲而屢著政聲元之時李庭攻取樊寇斃陷陣  
先登于欽奉使山東著水經地記張禧征日本遇颶風  
而戰監之完慮之首道長公岡正八百息掃非戰史而



武宣之謚受之無愧逮至我

朝臧哲以儒士爲兵馬指揮屢劾權貴志在激揚馬愉以狀元爲翰林脩撰預聞機務心存寬厚張時爲左叅政好學博文孫浩爲左布政政績著聞天順以後人才亦間見不絕吾未得悉數之也

### 登州府人物

論登州之沿革者曰古爲斟尋國唐爲嶧夷地周曰牟子魏曰東牟論登州之形勝者曰高山阻於前巨海環於後城名不夜亭曰朝陽蓋其邦乃青州之域危星之區三面距海足爲京東扞屏也人生其間雖朴野而儉直好訟鬪而少文義然或謂土風之秀如登坡老之門則夫人才之出不足爲邦家之光者乎請具陳之周有

出黃卷卷六

青州人物

十九

淳于髡以口舌馳於六國秦有淳于越以諫諍著於一時李忠仕東漢而誅龐萌致有圖形之榮太史慈念儒道而救孔融且有貫手之妙桓靈之時劉寵選受一錢舉孝廉而不愧劉岱崎嶇百戰身而不辭若夫避袁術而移居曲阿避孫策而退保豫章此劉繇也其知不足稱者乎三國之時劉基居喪盡禮而卻故吏之饋餉也嚴王基畫策平賊而諫在廷之營繕也切若夫當隋室亂離之際爲助衆保障之舉此淳于難也其勇不可嘉者乎以宋之時言之王居卿爲輟轉運使除泛濫之害孫思恭累官天章閣精曆數之學淳于雍性清素王旦贈以詩曰純孝敢時俗高風自古人當其情也李

生便直孫武贈以詩曰當時人化行無朝飲隊解



其實也至於東西夏之爭起慷慨之禍非高敏之爲入乎以元言之隋世昌征江浙擬身擊刺時有定海侯之封不足瞋目九泉乎姜曠知濱州課民農桑時有太守桑之號不足騰光百世乎劉傑劉昌以兄弟登顯仕各以才行可嘉于玠于諒以祖孫膺外任咸有行事可紀逮至我

### 萊州府人物

禹貢青州天文魯臺此萊州分野之所定也古爲萊夷周爲萊國此萊州轄域之所因也蓋其地羅山巨其東

山東省卷六

登州人物

二十一

維水阻其西神山距其南渤海枕其北土踈水闊山高海深說者謂風土卑於青齊似也考其風俗人性剛強俗好鬪訟然風流儒雅亦自濯磨洪勲碩望足以震耀於古今而取重於海內者矣夫豈少哉請具陳之周有甯戚單衣至馱飯牛至夜而桓公載之後車遂以其君霸齊有晏嬰食不重肉妾不衣帛而景公授之卿相遂以其君顯漢之時費直長於易卦房鳳明於春秋王吉與貢禹同心以賢良徵然吉上疏切直謝病掛冠豪邁之氣何堂堂也王駿與趙廣漢齊名以孝廉用然廣漢制槩豪強鉤鉅摘伏嚴明之治何肅肅也蓋公教曹參清淨而齊國爲之大治仁人之言也鄭玄從馬融受學

而六經之研通君子之需也王崇以王莽秉政而射



病就國其視孔光輩專事阿隨不啻糞土也逢萌以玉  
奔專權而攜家浮海其視劉歆輩卒被殺戮不啻狐鼠  
也鄭崇正言直諫哀帝輒曰我識尚書復聲其見敬禮  
如此司馬均隱居教授鄉人輒曰敢祝少賓乎其見推  
重如此至於有王扶者脩德行而鄧禹徵之以參軍計  
拜議郎而劉復稱之以為名臣以晉之時言之劉毅比  
晉武於桓靈而百度為之條陳劉暉責郭彰之救火而  
三臺為之清肅侯史光與皇甫陶省風俗治民清其本  
矣劉胤勸邵續歸琅瑯擇君得其人矣以南北朝言之  
唐永仕魏為北地太守而夷人遮留數日唐瑾仕周為  
中大夫而在朝馳名六俊隋之時杜松贊為石門隊正  
見賊被執以刀築口而正氣不衰高構為吏部侍郎舉

以賢兼業云

萊州人物

三三

賢用士以明照物而權衡不曲唐之時張允濟令武陽  
道不拾遺蔣況令四縣軍不撓境至於蔣欽緒排祝欽  
明之議辨皇后亞獻之非此亦確論也五代之時呂蒙  
奇仕唐雖無大建白而呂蒙正子孫之盛其必積善之  
厚也韓昶載仕唐雖不免奔走而江左有韓夫子之號  
其必立性之高也逮至於宋滕中正擢御史中丞振舉  
綱憲二子並舉進士述之有其人矣墓崇禮為翰林學  
士善典制誥祖父並舉進士作之有其人矣徐承珪一  
族同居而有連里同實之瑞孝感之名殆不虛得也初  
晞六冬廬墓而有烏兔馴擾之祥粟帛之賜殆非偶致  
也孫祖德論章獻臨朝之非時服其梗吳奎論王安石  
所去之膠時多其直張承舉進士第一而發進德意可



介如之劉圓以戰功第一而屢敗強敵何勇如之侯蒙  
申聖十八人皆幾死獲更生卒次膺仕宦五十年無纖  
毫掛吏議至於王仲寶當任福之敗拔朱觀之圍其將  
畧又有可言者矣元之時王國昌使高麗不以險阻爲  
憚張緝棄幕職惟以父母爲念逮至我

朝黃福爲少保鎮安交趾而有護送出境之異謚之忠  
宣宜矣薛祿爲太保營建北京而有裹創赴闕之勇謚  
之忠武宜矣李諒爲知縣去驛中之妖怪王璉爲知府  
毀郡中之淫祠禮部侍郎儀智疑重得休吏部侍郎侯  
庸勤敏過人殷哲以貢士發身至中書左丞才識有可  
用者張信以孝子發身至尚寶司少卿忠誠有所移者  
天順以後人才累累不絕吾未得而悉論之也

遼東卷六

遼州人物

三三

### 遼東都指揮使司人物

禹貢冀青之域天文箕尾之區此遼東之疆土而其名  
始於嬴秦鴨綠江巨於東山海關橫於西此遼東之形  
勝而其教唱於箕子蓋以其地考之絕塞之寒無樹平  
沙之勢蓋天人多僑居俗各異好地若陋矣然人性淳  
朴粗冒文禮頗有中國之風焉豈無人才著名於古而  
垂範於今者乎請具陳之漢唐雖混一矣而教化不播  
於遠趙宋雖休明矣而疆域未統於一此遼東人物不  
可深考也雖然漢晉之末亦有之矣若公孫度公孫恭  
兄弟也然恭猶劣弱不若度邵曹操封侯之印尤爲剛  
介高謙之高恭之兄弟也然謙之善天文不若恭破公

上已於之車亦焉請自今亂也念其父維計矣而家貧



無措晁清死守其城雖殺身而名垂不朽若夫仕于遠  
者則若耶律突欲立孔子之廟姚景行理上京之獄夏  
行美太康又皆有名於總軍馬人望太宗皆有聲於循  
更仕于金者其人物尤多焉以詩文名者若張浩號華  
表山人李經號今世大白玉庭筠號黃華山主至於龐  
鑄馬知剛皆工於詩者也以文學名者若劉仲尹之文  
章蘊藉梁肅之文墨精勤高德裔之才學高博至於高  
仲振耶律履皆長於易者也幹勤忠耶律辨材張景仁  
皆忤權貴而不避高守約高革憲莫禹錫皆死節義而  
不辭至於耶律思忠高衍李猷可劉光謙皆有一節可  
取高禎閻山張九思鄧儼亦有一藝可稱以元言之李  
守賢劉世英石天應劉潤皆見知於木華黎者也其人

山東省卷六

遼東都督物

三十二

之賢可知矣高宣趙炳王珣耶律楚材皆効勞於軍旅中  
者也其人之才可知矣王克敬著詩文奏議而謚文肅耶  
律希亮有素軒集而謚忠嘉劉庭讓之救母弟郭全之哀  
父喪孝則孝矣然而孫秀實償富人之錢聚貧人之子則  
所謂孝子不置求錫爾類也尤爲上焉崔敬之多建明王  
明之善騎射勞則勞矣然而耶律有尚推理學之蘊開後  
進之蒙則所謂非自成已所以成物也尤爲高焉逮我  
朝童信從靖內難勇敢負氣而官至五府都督風采之  
峻疑何如也其于城之將乎王麒從平內難躍馬衝陣  
而官至都督同知瞻畧之雄壯何如也其彪虎之將乎  
天順以後人才亦有可紀者姑未暇論也



開封府人物

碎石戴璟著

呂溫成皇之銘曰鎖天中區控地四鄙李清臣汴都之  
 記曰岡阜繚轉龍蟠虎伏鄙生謂之天下要衝李勉謂  
 之水陸都會乃域界交豫星分角亢者也故在周為鄭  
 衛陳三國之境而魏謂之大梁秦謂之三川漢謂之陳  
 留宋謂之汴京也以其形勝言之芒碭渙渦截其面金  
 堤王渠累其脊雷夏雖沮繞其腸星丘皆屢夾其腴生  
 是地者稟中和之氣蘊忠厚之質而卓異不群之士有  
 摩袂援愈出愈奇正猶麒麟遊藪鳳凰鳴岡而凡珍禽

河南省卷七

開封人物

二

異獸皆懋著禎祥以騰輝綉彩豈讓鄒魯之盛哉請具  
 陳之商有伊尹躬耕自樂然致君堯舜成湯學之觀伊  
 訓一篇辭嚴義正直聖之任也周有李耳清淨無為然  
 潛心禮度孔子師之觀道德一經言近指遠真人之龍  
 也穎考叔燭之武皆鄭人也之武說秦伯解鄭之圍固  
 有功矣而考叔之遺羨其孝子不匱乎洩洽逢滑皆陳  
 人也逢滑說陳侯辭吳之召固有功矣而洩洽之殺身  
 其忠臣不欺乎子皮困僑子太叔皆鄭國之大夫也子  
 皮以不貪為室而子產哭之曰吾無與為善子產以不  
 猛為政而孔子美之曰古之遺愛至於子太叔與兵攻  
 崔符之盜非猛也順時之宜也司馬耕穎孫師原憲皆



有賢者之過而進德於晚年至於司馬耕脫身絕桓魋之見非薄也避兄之汚也甯越勤學十三年而免苦耕之勞蓋嘗爲威王師矣莊周著書十萬言而肆猖狂之志蓋嘗爲蒙漆吏矣田基不從佛胖之畔趙簡子高其行而欲官之列禦寇不脫黃老之學莊子重其人而數稱之司城貞子陳之大夫也觀孔子以爲主可見其賢公子無忌魏之信陵君也觀諸侯不加兵可知其善尉繚五卷使世曉竒正之術侯嬴一策使趙解邯鄲之圍至於朱亥鐵椎一揮而使晉鄙之權有所歸怒目一瞋而使虎圈之獸不敢動亦可謂之勇士矣以秦言之韓非雖有滅宗國之薄然說難五十篇其辭亦頗備也呂不韋雖有進美姬之醜然春秋十餘萬言其言亦頗馴

河南省卷七

開封人物

二

也陳餘從陳勝起兵所以誅獨夫也其以天下爲心乎不可以泝上之敗少之也張耳從漢高創業所以輔明主也其以玉業爲任乎不可以操戈之刻罪之也張良運椎若無謀矣然爲韓報仇而千里失勝赤松之遊達保身之計陳平受金若可疵矣然爲漢畫策而六出奇計錢谷之對識大臣之體哭彭越者秦布也擊九江者酈商也酈食其說齊王而韓信囊沙之計易以試灌嬰擊諸呂而周勃左袒之功因以成張倉攻臧荼而且能明律曆之理賈山諫鑄錢而且能言治亂之道晁錯受書於伏生而上邊事四端雖老將不若是之練達也丁寬受易於田何而作易說三萬言雖宿儒不若是之精

升也灌夫破吳軍以復父之仇志何壯也韓安國千



以濟君之急謀何惟也推賢則有鄭當時且於水利  
爲有功治郡則有若黃霸其於循吏誠無愧任安不昔  
衛青其於故舊之義篤矣韓延年不負李廣其於君臣  
之義哲矣韓伯俞泣杖而傷毋力之衰不以終而閭其  
始李充黜妻以同兄弟之居不以踈而閭其親廷臣稱  
莽者衆而孫室獨非之以冠帶掛橋門如歲寒凜凜而  
松栢不改節也廷臣附莽者多而彭宣獨絕之以骸骨  
歸鄉里如猛火烈烈而眞金不變色也以東漢言之虞  
延令細陽遣囚歸家劉昆令江陵反風滅火至於格殺  
公主之奴則有洛陽令董宣焉李膺刺青州守令解綬  
陳翔刺楊州賊吏屏迹至於拒絕梁冀之徵則有冀州  
刺史蔡衍焉夏恭以易學教授生徒千餘人樓望以春

秋教授生徒九十人夫望之明經講學誠亦難矣然恭  
之著詩二十四篇謚宣明君尤爲超逸之才也邊韶以  
五經教授生徒數百人蔡玄以五經教授生徒千餘人

夫玄之明道淑徒誠亦善矣然韶之著書十五篇號五  
經笥尤爲該博之學也爲少傅者張興子弟萬餘爲之  
受教易學其不孤矣爲廷尉者郭躬子弟千數爲之聽  
講律學其有傳矣應順事毋感瑞而十子皆才名非有  
躬行之化不能也苟淑高行氣節而八子皆才名  
非有義方之教不能也王霸以功封淮陽而討平蘇茂  
善用兵矣祭遵以功封潁陽而格殺舍兒善持法矣堅  
鐔傳俊侯霸皆效勞於真人開運之時其乾之見龍于  
日乎鍾皓使乘陳留若父皆避迹於桓靈漏網之日其



漸之鴻漸于遠乎桓榮石歐陽尚書而當二老之任至  
於子郁官至太常子馬官至太尉孫典官至御史皆能  
繼先志而有爲也白虎之講驄馬之畏豈易得乎鄭與  
治公羊春秋而校三統之曆至於子衆傳學於父孫安  
世知名於時皆能承先訓而有用者也識締之非章句  
之校豈易能乎丁鴻以爵讓其弟繆彤以義感其弟皆  
薦昆仲之義然彤則尤爲得齊家之道也茅容事親以  
孝仇香化民以孝皆明父子之親然香則尤爲著錫類  
之功也陳寔爲太丘長有化盜賊之效然父子三人並  
著高名而有三君之號焉賈彪嘗爲新息長有救黨人  
之績然兄弟三人並播令譽而有三虎之號焉應奉諫  
立貴人而子劭棄官作春秋斷獄理學傳於後世矣韜

河南書卷七

開封人物

四

韶賸貸飢民而子融累官至太僕政聲馳於當時矣揚  
匡衛李固之屍而藥布之節可媿其美典帝陷呂布之  
渾而樊噲見勇可襲其芳作說文者許慎五經無雙之  
石燦然不磨立石碑者蔡邕三世議郎之官赫然可榮  
服虔作左傳解而連珠十篇之文傳之人口荀爽通春  
秋論語而荀氏八龍之譽著之卿評虞詡守武都以綠  
縫裾而擒其賊黨其將帥之畧有可尚者劉翊守陳留  
以馬易棺而葬其貴人其忠厚之量爲難及者夏馥不  
交高祭而守肥遁之操楊倫不附梁商而懷糾正之忠  
穎容博學累徵不起不義之祿豈屑於朶頤乎申屠蟠  
博學累徵不就無妄之灾豈得而迫身乎薛漢之才長  
於經而韜詩章句可爲人式焉荀悅之才長於史而漢



史十卷可爲此... 塵之狀符融不... 呂強爲侍中而論黃門傲寵之過何剛也爰延爲侍中而論黃門與政之亂何直也至於登孝廉之科冒宦官之禍又非劉陶乎三國之時郭嘉去袁熹曹而屢著汗馬之烈鄭太士董歸袁而欲行天討之師徐庶本事烈今乃全之而歸曹所以念子母之情有不忍釋也苟或本事曹操今乃假之而死漢所以念君臣之義有不忍忘也苟攸太苟或假子鄭渾本鄭太之弟然一則爲軍師一則爲郡守治事之才超越時輩陳群本陳寔之孫衛臻本衛瓘之子然一則爲中丞一則爲司徒蒞政之能超邁等差袁渙以禮爲梁王相則親藩有蓬麻之

河南卷七

開封人物

五

益梁習以清登... 陵長恩威正... 擊頓消何清如... 鍾毓父子也一... 高柔高光父子也一剛介一學行咸垂芳於不霄多事之日應瑒爲五官將而有博學譽於海內應瑒爲侍中而有諷詩傳於世間以置言之阮籍詠詩賦而有猶子咸彈琵琶以自樂七賢之列此其二也若夫咸之子曰瞻曰孚皆有時名而孚能平王敦之亂族子曰放曰楷皆有政聲而放能盡銓選之公若夫晞之守南頓有光於父放寧之守鄱陽有光於父裕阮氏之盛如此乎庶

亮尚謙抑而右弟水尚清素以自誇外戚之賢此其大



也。右夫庾彬從父討蘇峻死於手文而不悔。庾翼代兄鎮武昌濟於時艱而有薦若夫曰義曰集或為內史曰蘇曰悅或為刺史庾氏之盛如此乎。畢卓名為八季之流然放達甚矣。殷浩名為清談之輩然庸淺甚矣。庾峻能斷刑獄而弟純為世儒宗純子男少有清節皆為仕而有德可齒也。袁瓌著名江漢而弟眺少有才氣眺子質稱乎孝行皆為守而有善可名也。江統著從戎論而長子徽次子惇至於曰散曰恒曰夫如棟梁榱桷各得其用也。謝安成淮肥功而其兄奕其弟萬至於曰瑗曰瑛曰琨曰玄曰朗曰晦如錦綉琅玕各專其寶也。袁喬本瓌之子然桓溫召之不來袁崧本喬之子然孫恩寇之即死此其節義何如也。至於袁宏以瓌從孫而著東征等

河間書卷七

開封人物

六一

賦則亦非凡夫矣。應詹本瓌之孫然為舍人有文行應玄本詹之子然為常侍有善迹此其德行何如也。至於應誕以詹次子而歷六郡太守則亦非庸夫矣。荀勗達律呂而子組夷處懷愍之難多所匡扶至於子遂弟閏皆官至尚書有名焉。豈徒監青紫或江蔚守吳興而父道就殷浩之辟多所正救至於子淮繼續皆官至要地有名焉。豈徒徇富貴哉。潘岳才名冠世有西征賦可傳而子尼以著述為事封安昌公宜矣。天謝鯤莅政清肅為豫章守有聲而子尚以辨悟絕倫為散騎常侍宜矣。鍾雅褚裒皆處蘇峻之亂一死以成石一生以濟事皆得其心。蔡豹吏聞皆為郡守之官一有氣幹一有文學咸播其譽。荀崧破蘇峻錄尚書事而二子曰綖曰羨並知



名馬毛寶破蘇峻守庐江郡而二子曰穆之曰安之並  
知名焉阮种對賢良第一爲中書郎夙持剛介楮裒有  
皮裏春秋爲鎖北將軍弘濟艱難蔡謨韓伯皆非書記  
然謨當國變槌杙之秋以靜重鎮之而不輕爲之動尤  
難矣荀伯子王隱皆撰國史然隱當倖臣焦灼之日以  
正大絕之而不妄與之交尤難矣南北朝之時謝景仁  
仕宋爲大司馬矣而景仁之弟曰純純之子曰駉皆文  
章清麗至於曰方明日惠連曰靈運有不羈之才爲時  
翹楚袁湛仕宋爲司空矣而湛之弟曰豹豹之子曰叔  
皆學問該洽至於曰洵曰顛曰昂褚凡之學爲世山斗  
著妙德傳者袁粲乃豹之曾孫也其子最以身衛父並  
死於石頭之難一忠一孝可通神明至於仕齊爲侍中

須臾卷五

關西人物

七一

而善屬文則有其弟蒙也號登龍門者袁昂乃粲之從  
弟也其孫樞累官尚書能守清白之操一直一蕪可質  
天地至於仕陳爲僕射而能繼志則有其弟憲也庾登  
之乃亮之曾孫以經濟自任而弟曰仲文從孫曰仲好  
有危言有危行焉蔡廓本謨之曾孫以剛直自持而少  
子曰邕宗孫曰搏有謹操有清行焉殷景仁殷孝祖殷  
鈞殷不害皆長平人而非其族者也然景仁爲中書令  
有不校之量鈞爲臨川內史有不擾之治至於軍功拜  
將軍者孝祖而族子琰多識前事仕至少府焉若夫長  
於政事燕以儒術非殷不害乎江束之江淹江悅之江  
湛皆考城人而非其宗者也然江悅之有將畧而曰文  
廉曰子一曰子四皆有德可名江湛有孝行而曰教曰



備曰經曰總皆有善可紀至於以風采爲中丞者淹而有父康之雅有才思仕至長沙令焉若夫三爲縣令兩爲郡守非江東之乎鄭鮮之爲中丞而剛直無隱袁翻爲尚書而賢達是推鄭義表薦士類時論多之而子道昭累官秘書孫述祖累官少保皆可登名臣之錄者也蔡景歷家貧好學時論美之而子微有聰敏之資有愛敬之行亦可以入孝子之傳也阮孝緒范岫皆孝行裕如而有禮論雜義者岫也江革荀朗皆文畧不凡而以詩酒自娛者革也鄭紹叔招流民梁之循縣令也鄭道邕增戶口魏之良刺史也以隋言之鄭譯著聲調八篇可謂達音樂矣劉祐著玄象要記可謂明天文矣唐之時盛彥師斬李密郭孝恪平王世充劉昌征安祿山趙犇

河南卷七

開封人物

八

破黃巢立功不同而皆有將帥之畧也格輔元諫武后王求禮諫蘇味道李日知抗胡元禮常弘景劾劉士涇處事不同而皆有剛正之氣也委師德爲豐州都督而薦狄仁傑公則公矣若夫唾面之事實容博大宜武后弗能害也魏元忠爲御史中丞而抗張昌宗劄則劄矣若夫命將之疏懇切詳盡宜二張弗能害也朱仁軌隱居養親嘗曰終身讓路不枉百步終身讓畔不失一段故夫孝友先生之謚人以爲稱賞也鄭惟忠制舉赴召嘗曰外揚君之美內正君之惡至於酉戶畜兵之諫人以爲美談也善治獄者則有若鄭善果之寬而得於母之教誨善治書者則有若鄭虔之絕而得於上之贊翻袁師負土成墳而毋病之曰十旬不解帶鄭潛曜



刺血丐神而丹病之。日三月不齋。面崔知温爲司馬。有善政而尤白知悌。子曰秦之諤之皆居顯要之地。鄭珣瑜爲平章。性嚴重而子曰單曰朗孫曰裔。綽皆帶宰相之銜。劉仁軌畫地書空。卒以通博聞而擢學士者。其孫瑒也。王沛揭法示軍卒以軍政治而討劉稹者。其子逢也。殷踐猷稱五經總龜而子寅爲校書。孫亮爲刺史。政事亦煥然一新。鄭肅挺大臣志節而子洎爲刺史。孫仁表爲起居行事。亦井然四達。鄭網爲平章。守道寡慾。父作之也。鄭餘慶爲平章。兼視濟急子述之也。鄭幹敢言無避而爲神闕。無愧鄭慶誨。又辭秀拔而爲節度使。有聲此皆餘慶之子孫也。鄭從謹自擇叅佐極一時之選。鄭延昌雅有文行。居戶部之任。此皆餘慶之族胤也。

吳兢脩國史。凜凜乎秉筆之公。比之董狐亦其庶也。吳道玄善書法。翩翩乎爲箇之妙名。之畫聖不爲過也。孔璋不忍善人之坑陷。故有李邕之救以布衣而如此。乃奇才矣。常思謙深惡奸邪之舞弄。故有來俊臣之劾以御史而如此。真稱職矣。朱忠亮達邊務之宜而築潘原城。曹華見吾道之重而立孔子廟。殷侗諫文宗請用耆德。不謂之達國體乎。宋敬則官鳳閣。每拔士類。不謂之得相體乎。陳夷行爲僕射。介特不群。如行千里之驥也。鄭繁爲平章。勇退不恋。如翔千仞之鳳也。五代之時。高頗有清節。力學強記。而二子皆登進士。蓋家教有以成之也。符彥卿有謀畧。謙恭下士。而兩女皆作皇后。蓋積善有以召之也。至於勸和疑接。宿客非張詠而何。迄至



人者守信宿衛忠貞而子曰保興曰保吉皆官外郡者也楚昭輔陳橋推戴而孫曰隨曰咸皆登科第者也寬簡不苟察薛居正之爲司空也涉獵書史非其子惟吉耶言行無矯飾李穆之爲學士也不樂仕進非其子惟簡耶沈倫伐蜀勸書惟數卷何節之介也孫求肄業群試第一人何才之雄也著歷代紀要者劉熙古而著續因話錄者梁周翰也豈可以熙古三國之臣而棄之哉著指玄者陳搏而著春秋世論者江休復也豈可以搏方外之士而輕之哉崔頤正講尚書王昭素講易皆聲中赤於經筵王洙傳易許翰傳春秋皆發精蘊於典籍試策殿廷名爲狀元則有若宋準姚曄張師德宋庠王拱辰王堯臣時彥也若以其行事論之宋庠校國

涇陽卷一

開封人物

十一

語義師德猷大禮頌宋準工於制誥時彥明於刑獄至於拱辰堯臣善論邊務皆不愧叫閭闔呈琅玕者也從征寇盜名爲賢將則有若尹繼倫上官正許均王顯白守素王德用也若以其功業論之上官伐西蜀許均征遼州守素團練合州德用節度崇信至於繼倫王顯大破契丹皆不愧任干城作藩翰也劉廷翰焦繼勳皆以軍功顯於郊壘且有替元贊明及守節爲之子一秉州麾兩持帥闕焉劉蒙叟盧斌皆以戰功著於邊陲且有宗弼宗誨及文質爲之子兩登虎榜一被豸衣焉和峴均節樂音能窺律呂之奧而弟曰喙曰崑皆業一官而持一譽者也張耆諫止營繕最體閭閻之瘼而子曰希曰利皆官一郡而顯一能者也李惟清諫取幽州以爲



根本之計而有永錫永德爲之子至於袁逢吉樂崇吉皆身爲明臣而各有二子登顯仕焉如龍駒各肖所生也韓綜言折北朝以正契丹之號而有韓維韓縝爲之弟至於李兌劉平皆身爲名臣而各有一弟作碩輔馬如麟趾各似所出也善論邊務洞識敵情則有若田元十四事宋祁七事也服勤諫諍夙著忠貞則有若崔立四十奏趙槩百二十諫也戚同文號堅素先生幼冲能誦五經生徒不遠千里許驥爲之師者即此人也萬適號遣玄子狂簡集有百卷雍熙詩有二百首韓丕爲之薦者即此人也楊璞歸耕賦如游百花吐秀之中不自覺其清爽也楊朴簔衣之詩如規百獸舞象之間不自覺其軒豁也張去華獻元元論大旨以養民爲務而

列前卷七

開封人物

十二

有三子皆顯蓋教之有素耳王繼英迂樞密使以小心爲務而有四子皆顯蓋訓之有方耳戴興伐李繼遷千里深入周審玉拔劉緒一劍奮前至於郭遵入陣中鉄杵破人之腦馬懷德入兵間流矢及已之骨此乃趕趕乎勇敢之將也馬遂伐王則攢刃而終孫郃伐智高中鎗而沒至於王珪都監涇原死於鉄鞭奮擊之日任福總管環慶死於流矢決戰之時此皆泚泚乎忠義之將也宗翼學書得法有古人風而脩實錄者其子度也許驥爲人雅量有長者風而爲殿中丞者其子宗壽馳贊以愚直見上而辨曹彬之誣其志不小矣張方平以穎悟絕倫而引蘇軾之進其學有得矣向敏中居大任三十年識達大體而稱爲良相矣至於侍從十五年未嘗



歲凶之直不可掩李善本蒼頭而保孤兒之節不可及  
張宗乃偏裨耳赤肩一卻人服其勇樊曄乃市吏耳餽  
餉一筥上嘉其績郭丹高車山關而壞車積學者馮良  
也宋均令虎渡河而開倉賑飢者韓韶也來歷之絕周  
廣有不惡遠小人之風鄧騭之薦楊震有惟仁能好人  
之語注冊精於周易尹敏精於尚書謝該精於春秋至  
於樊英張衡尤通五經焉高鳳隱於唐山宗慈隱於安  
衆董班隱於宛邑至於延篤劉廙皆撰文十篇焉宗資  
有主 畫諾之號岑暉有南陽太守之號此其人亦可  
知矣岑熙有狗吠不驚之歌張堪有麥穗兩岐之歌此  
其德亦可知矣鄧彪之讓國毋弟有孤竹之風宜明帝  
嘉之也朱穆之法行部郡有羔羊之節宜蔡邕謚之也

河南真卷八

南陽人物

十一

鄭衆雖曰出自閹宦之賤人然誅竇憲之功卓卓乎不  
可尚也左雄雖有限年四十之陋法然條時政之宜凜  
凜乎不可犯也何進誅宦官亦幾於鯁直文聘守江夏  
亦善於保釐三國之時韓暨之殺陳茂篤於復仇也陳  
震之使孫權工於結盟也呂乂持身儉約號爲清能宗  
預兩使江南號爲善對來敏善左氏春秋尤精爾雅許  
慈善鄭氏三禮尤精毛詩黃忠勇冠三軍而斬夏侯淵  
之功懋矣鄧艾少有大志而平西蜀之謀巧矣鄧芝趙雲皆使吳而不辱李嚴王連皆佐蜀  
而有聲晉之時張輔令藍田不屈豪強范曄守馮翊甚  
綏百姓鄒湛著詩論數十篇以才學自奮魯褒著錢神  
一論以貧素自立樂廣善談論衛瓘奇之曰人之水鏡

一論以貧素自立樂廣善談論衛瓘奇之曰人之水鏡



及松則有學士丁度也豐出在兵間三十年撫循士卒  
而稱爲良將矣至於爲史六十年未嘗少懈則有學士  
李南公也劉師道敏於吏事案無留牘石延年精於邊  
計言皆符驗崔侔著帝王手鑑而著五經疏義者孔  
維也掌禹錫著地理新書而著開皇紀唐史記者鄭尚  
孫甫也李及知杭州治尚清簡改少連知涇州治尚通  
敏蔡杭知渭州治尚武備凡此皆知州之良者也黃寔  
在寶文閣性尚孝友盛陶在龍圖閣性尚剛介劉隨在  
天章閣性尚清直凡此皆學士之良者也楊燧之於劉  
順可謂以德報德也羅拯之於皮公弼可謂以直報怨  
也鄭雍爲中丞坐元祐之黨黨周詢爲中丞多違白之  
功然則以是人爲御史真不忝鷹鷂之譽矣宋守約使

何商方卷

開封人物

十三

契丹不易言服郭植使契丹能射走兇然則以是人爲  
行人不愧皇華之任矣李師中論王安石而言果爲之  
行知人何哲也張近輔呂惠卿而法不爲之縱去邪何  
勇也安壽嫉章惇之妄而紹述之非爲之深詆鄭居中  
惡蔡京之奸而用兵之禍爲之切言路昌衡論專利之  
害其策列於四條張逸辨誣人之寃其功歷於四郡竭  
忠於徽欽之時則有若曹勛之持衣何灌之守城胡閔  
休之劫囚營至於張克戩之八人死於賊張叔夜之三  
人死於兵皆烈烈轟轟有補於名教也盡力於仁英之  
時則有若范恪之引弓許懷德之善騎趙滋之治城至  
於呂誨之三居言職何中立之十卷論思皆侃侃諤諤  
有功於社稷也孫路被劾論河皇之不可棄其職天下



之勢如此孫固苦口論西夏之不可伐其懷中國之憂  
如此王希逸聚書萬卷而官至史館王欽臣藏書萬卷  
而官至待制為官五十年不以私怒加人楊仲元也有  
集二十卷常有惠政於蜀李璆也趙適之捕獠行兵之  
奇也程迪之被劾處變之正也張忠論河決之災有撥  
亂之術韓宗武論曰食之異有格心之機呂由誠之死  
於虜慶高貴之死於崖山忠臣之操也侯義之誠於造  
墳姚仲孫之誠於養母孝子之行也以元言之田滋在  
庶訪辦理冤獄楊敬直為宣慰數立軍功孔全邵敬祖  
皆有庠墓之孝歸賜韓因皆有死賊之忠有官守而脩  
其職者劉好禮謝讓也有言責而罄其心者韓元善張  
頴也楊士弘著鑿池春草錄而配唐人之詩陳祖仁舉

進士第一而死至正之難陳思齊為州同以清遷憲臺  
李仲和為閫幕以功遷揔管逮至我

朝榮國公張玉有靖內難之功而山河為之重整汝南  
侯梅思祖有歸淮安之功而社稷為之有賴尚書吳孔  
彰布政吳伯昂祭酒任昂皆以儒士而徵拜政事可觀  
者也副都張志侍即張春叅政楊端皆以國子而超遷  
才能有餘者也釋褐太學有若干潛古朴然一以勤敏

一以勤勞騰光采於蒞政之初從領鄉薦有若趙狂王

彰然一以能幹一以才望有勲猷於在廷之日王鈍使

安南固却遺金可謂之廉吏王觀知蘇州克承嘉詔可

謂之賢守樊鎮馬守中皆居侍御而白簡冰霜足以懲

奸軌解敏宋文皆居榜寮而赤心冰蘖足以勵貪滯天



順以後人才如丘陵相積吾未暇采擧之也

懷慶府人物

老懷慶之名定於元而曰覃懷曰河內曰殷國則自禹貢以來立名之不一也論懷慶之界屬於冀而或畿內或三監或鄘鄭則自商周以來封域之不同也蓋其地東帶沁河西連汎水南據虎牢北倚太行山川延袤地勢平曠人生其間好性理崇禮義而人才有可言者矣請具陳之周有聶政受百金之餽爲嚴仲子報仇不可以刺客待之也漢有白里先生與四皓之列爲惠帝一來不可以隱士小之也然漢之人才又有可言者石奮之醇謹有萬石之號藥寮之朴忠無一衾之積蔡義說詩於昭帝張禹授論語於成帝皆以儒學顯也然禹之

列前集上

懷慶人物

十四

引經不若義持身之正焉趙子習詩於韓氏張玄受春秋於顏氏皆以文學顯也然玄之解瞭不若趙子傳受之廣焉方丁傳之驕奢傳喜獨以謙退自持逮王莽之居攝蔡茂獨以隱逸自尚衛颯在桂陽脩庠序之教二老遇野王獻桀紂之諫丁蘭雖有殺人之過然刻木之孝懇如也張範雖有事曹之失然恬靜之節澹如也三國之時司馬芝以直道應物而當時封爲關內侯可馬懿以詭道用兵而後世尊爲晉宣帝常林年七歲而敏捷之才聞於父識司馬朗年十二而經濟之術行於州郡晉之時文書盈案裁決如流苟晞也隨晉東遷忽求還山郭文也山濤啓事而進內憂之言後世服其識向秀清悟而作雀巢之賦當時奇其文山簡溫雅可取向



雄剛勁有爲南比朝之時司馬楚之爲將軍折節下  
張蒲爲刺史扶弱抑強常爽薦志五經而有儒林先生  
之號司馬筠博明三禮而有尚書左丞之遷封涇昌公  
者司馬子如也隱白鹿山者張子信也至於當官謹飭  
趙默之仕于魏也骨鯁自持張衡之仕于隋也唐之時  
王琚明天文王友貞善隸甚昂友貞之割股養親天下  
稱其孝穆寧中明經王智興立戰功而寧之斬使徇賊  
天下稱其忠其露之變王晏宰調護爲有功將挺之辱  
張庭珪執奏爲有見作原道篇者韓愈爲文純正學者  
仰之如太山中拔萃者李商隱爲文奇古學者號爲西  
崑體講經著書裴休也直儒者之稱豈其易好學博覽  
盧仝也月蝕詩之意何其工五代之時段希堯欲斬擁

河漢卷全

懷慶人物

十五

呼之人其意有在盧億歷爲漢晉之官其清不移至於  
向拱個儻負氣而兩子兩孫皆顯亦有自矣宋之時穆  
衍有棄地之諫明國體也李伯宗有寬刑之奏憂民瘼  
也史抗父子三人皆死於代州之難陳芳十四世皆習  
其孝義之風傳察拒蔡京妻女爲人端重而謚忠肅傳  
伯成從朱熹寧道爲人純實而謚忠簡至於李曾伯以  
言忤賈似道則其人亦可知矣元之時頴悟不凡接聖  
學之正統則有若許衡忠厚不殺享巴人之生祠則有  
若呂或蕭讓才德優贍而子弟七人皆顯何俊彥之彬  
彬也閔本性憤剛正而妻女四人皆死何節氣之挺挺  
也馬景道隱居不出高士之稱也吳恭祖沉毅不躁仁者  
之爲也楊一與叔同居深於父子之情也馬英爲兗



頃篤於昆弟之義也逮至我

朝馮冕以儒士爲蘄城縣丞然卿相之擢有聲於生前  
劉幹以舉人爲長州縣丞然衣冠之塋有光於死後天  
順以後人才潮至不絕吾未暇采舉之也

新編博物策會卷之七終

河南卷

懷慶人物

夫



彰德府人物

愚嘗讀左思之賦曰旁極齊秦結湊冀道開宵殷衛跨躡燕趙山林幽映川澤回綠恒碣磳磳於青霄河汾浩泚而皓雒雄哉言乎可謂善狀是邦之形勝矣蓋其地西澤潞東大名南衛輝北名磁乃河曹甲所居之地魏之東陽晉之鄴秦之上黨邯鄲也人生其間雖曰不越顏氏家訓之議然俗尚淳古入尚英雄而以人才鳴於世者蓋不啻鄧林之木芬芳燦爛者矣請具陳之漢之時蓋寬饒以直言遭大逆之誅身雖死而洪名遺於千

河南省卷八

彰德人物

古魏桓以清節而却桓帝之徵身雖隱而高風聳於一時霍譖論梁冀之罪正人不容邪人之橫也杜喬為梁冀之害君子不入小人之群也至於郭巨有埋兒之孝有得金之應焉晉則有邵續妙解天文魏則有孔伯恭善治邊鎮申徽在周而庶勤陸彥師在齊而友弟以九歲之冲有二千言之誦又齊之陸爽也齊則有趙輔和明於占筮堯君素薦於忠貞迨至于唐傳英關浮屠而金剛之試邪說為之屈戴胄執刑法而貞觀之初寬獄為之理李延壽撰太宗政典為紀為傳秉良史之筆鄧世隆作王世充書有文有理擅隱玄之名盧從愿擢明經而為巡撫源乾曜第進士而迂諫議杜中立王同皎皆尚公士者也中立除吏姦同皎復中宗不謂之賢實



厥哉馮元常崔文亮皆爲御史者也元常抑中宮之  
掾申錫不謂之賢近侍哉直秦府者杜正倫魏徵薦之  
令長安者邵說郭子儀辟之至於杜羔之鞠獄而得母  
至寺而得墓一念之孝百世之傳矣逮至于宋韓重贇  
平澤潞韓令坤也河陽皆效勞於開運之初蔡審廷征  
太原劉用從澶淵皆布力於多難之日有事征討先脩  
器械則有如魏丕而陳貫之喜言兵畧亦有志者也精  
通水利自議塞河則有如張君平而竇舜卿屢立戰功  
亦爲有藝者也陳安石罷再問之弊而選法始復矣蘇  
家罷契丹之樂而國統始尊矣輔立英宗不動聲色韓  
琦之相直賢相也然上而父兄則有國華之純直而曰  
珣曰矧皆顯下而子則有忠彥之忠直而曰端彥曰純

彥曰粹彥曰嘉彥皆顯至於死建炎者其孫浩陳五事  
者曾孫肖曾韓氏之威不將與竹帛同芳哉志面恢復  
屢破強敵岳飛之將直賢將也且其長曰雲曰雷皆結  
髮從戎次曰霖曰震曰霆皆赤心在職雖一特死於秦  
檣之手而万世常思岳武穆之冤岳氏之威不將與曰  
月爭光哉以女爲光宗后者李道然鎮撫襄陽能稱其  
職可謂之不驕矣以女爲寧宗后者韓同鄉然每懼滿  
盈不敢干政可謂之知止矣至於四百單騎當金人數  
十萬之師以父子戰死蒙朝廷觀察使之贈非姚與其  
人乎以金言之則有胡礪田確王競韓玉諸人皆以文  
學垂譽而趙秉文之自少至老閉門讀書亦好學之士  
也觀其所著叢說可知矣以元言之則有胡祗通許熙



鄒許有壬趙正倫諸人皆以文學著名而薛大猷蚤中甲科隱居教授亦篤志之人也觀其所著四書講說可知矣不特此耳蔡琰平南方郭昂討蠻酋安佑弱冠上書規模宏遠梁貞辭職養母孝意直純莊文昭徐昂一為刑部尚書一為禮部尚書皆當大任而綽綽有餘者也董搏霄董昂霄一以國公死節一以郡侯死節皆處患難而凜凜有守者也著格例百餘冊者高謙著類要六卷者梁琮高傳為團練而謚康肅者邢溫也杜秉彝為學士而謚文肅者韓從益也以我

朝言之郭資廉介而為太師湯陰之封忠襄之致也蘭從善凝重而為學士經筵之講忠蓋之發也在科則有高敏處事公正在道則有侯軌治務勤能天順以後人才層出不絕吾未暇枚舉也

衛輝府人物

比為叩南為鄘東為衛此是邦之疆界如此也周古衛魏朝歌晉汲郡此是邦之名號如此也蓋其地即商紂之所都而武王之所封也左孟門右太行峯麓奇峻地當衝要人生其間雖尚剛用力然人知好學彬彬有文以史觀之英雄豪傑之士脩於家用於國層層疊疊先後相望凡好懿德者孰不為之仰止先休哉請具陳之周文王之時有太塗焉敬勝怠者士息勝敬者滅一篇之約足以為萬世之元龜也周成王之時有寧越焉他食五呆食他寢五呆寢十五年之勤所以為一王之師傳也寧戚飯牛之歌其才足以經濟寧俞景釐之進其



愚難以躋拔公孫枝之薦家臣孔子以爲爲文之當公  
子荆之善居室季札以爲君子之器比宮文子之論令  
尹圉何知人之明也史魚之退彌子瑕何尸諫之直也  
蘧伯玉有卷懷之節孔子爲之主焉卜商居文學之科  
魏文侯爲之師焉蓋柴泣血三年雖愚也古人之愚也  
端木賜學聞一貫其達也君子之達也廉絜從遊孔門  
雖所造未深而後世祀之享一籩之榮吳起精習兵法  
雖所行不正而後世宗之廁七書之列漢之時杜詩守  
南陽而政化大行趙咨守燉煌而清簡不変向長悟損  
益之卦必其講貫之精也向栩存侃直之風必其涵養  
之素也吳則有孫登犯而不校魏則有李彪剛而不畏  
至於負土成墳徐孝肅也唐之時劉政會從起晉陽著

河間卷八

公卿人物

四

汗馬之績謝優作述聖賦闡諷諫之忠尚欽甫撰方域  
篇而自知榮感之犯班宏熟天下計而不憚晨氏曼勤  
劉崇望劉崇龜兄弟並以才能顯高郢高定父子並以  
文學鳴甄濟卻祿山之召幾死而獲生崔寧論盧杞之  
奸遇譖而遭辱至於論政治之良者關播也宋之時魏  
仁溥征太原無愧管懿之謚韓壽使契丹善客打圍之  
問魏咸熙之雅量於碎器見之高若訥之博學於文集  
考之號慶湖遺老者賀鑄而慶湖之文足見推於時尚  
公主駙馬者魏咸信而昭亮之文又足光乎父熙朝及  
第壯志休官林舍之清高何如也筆札既工音律尤曉  
張昭允之文雅何如也呂贊有五子登科非積善者安  
能有如是福祿哉杜常無后族驕逸非篤學者安能有



如是氣象哉至於陳顛請代父光之如播直孝子之  
馬元之時慕定持法平名而有魏郡之封張思明讀書  
成誦而有三絕之號秋澗之集有聲於時王暉也京城  
之亡自投于井王遂志也以我

朝言之揚鏞之脩身以慎張埋之接人以和李炳優於  
政事尚迪長於器識皆以太學生而擢左布政者也此  
天順以前人物而其后未暇論也

### 河南府人物

前瞻太室後眺嵩丘潘岳懷舊之賦也南拒商號北控  
太河王挺閩鄉之記也蓋河南之地即武王定鼎於郊  
鄩成王營洛爲王城者也其名在周曰周南秦曰三川而  
河南之名創于漢也人生其間民性安舒而多衣冠舊

河南書卷八

河南人物

五

倍忠臣烈士疊見於紀載聞立井士君子之所景仰乎  
請具陳之伊尹爲商阿衡有任重之才而孟子稱之曰  
先知覺後知先覺覺後覺申伯爲周毋舅有柔惠之德  
而仲山甫送之曰採此芴邦聞于四國仲山甫柔不茹  
剛不吐而舉如毛之德其詳見於蒸民之詩管仲內以  
脩外以攘而革左任之倍其事載於魯論之文蘇秦激  
於婁嫂然合六國以擯秦其言有補賈誼雖讒於絳灌  
然轍五餌以抗夷其志不小劇孟以俠顯而蒙周亞夫  
薦不忝其名蔡義以詩顯而代揚敞之相不浮于位

戎有閔內侯之賜楊僕有戍南粵之勞請棄珠崖者  
捐之也敢忤石顯者周堪也郭賀爲荊州刺史有殊  
貶而三公之服賜以表彰龍參爲漢陽太守有異政而



三公之中名以忠且種曷敢緝秦帝拊又爲之繼表也  
夔知音律而劉表欲爲之庭觀捕姦黨者則如杜密而  
有齊李膺之名舉孝廉者則如尹勳而有誅梁冀之績  
成瑨坐嘯而有振威嚴之治馬孟光博古而有不數赦  
之諫焉趙達工於筭而九宮由之以成胡昭樂於隱而  
一州賴之以靜郤正從帝神之遷亦可以共難矣王濬  
開司馬之運亦可謂充勳矣至於郭象之著碑論十篇  
董道之明春秋三傳趙整之賦孟津一曲皆晉之人  
也南北朝之時房謨奚康生韓雄元文遙皆仕於魏然  
謨之庶惠康之武勇雄之慷慨文遙王佐才有可言也  
元暉韓襲于謹宇文慶長孫覽皆仕於周然暉之綿練  
襲之深沉謹之耆碩文慶嚴句覽之器量有可言也隋

之時長孫熾以通道應選不愧覽之雅也長孫晟以矯  
捷過人不愧季海之後也韓擒虎平陳自南道而有關  
羅之名賀若弼平陳自北道而有寶刀之受元孝矩元  
巖元壽各以一長名而巖之廷諍面折尤爲難也趙軌  
元善張須陁各以一藝名而須陁之開倉賑飢尤不易  
也唐之時長孫無忌取突厥太宗有凌烟居首之報李  
君羨破竇建德太宗有虜何足憂之嘆常連張士貴皆  
從征有功而達之不屈於賊尤爲正氣趙弘智紅行恭  
皆從征有功而弘智之哀慟其兄尤爲尽礼劉允濟工  
文翰與王勃而匹休上官儀工詩辭諫高宗而遇害早  
事要說者姚崇而開元賢相之號播之青汗召訪邊事  
者畢誠而禁中頗牧之稱簡之帝心賈至羅明經第一



兩朝盛典多出於父子之纂脩張詠策賢良第一  
一朝制誥多成於燕許之述作張齊賢論禮合古而擢  
博士張廷珪應詔上疏而擢少監吉頊勸二張卒成反  
正之計畢構刺四州甚篤居喪之孝張守珪敗瓜州之  
寇善於應變房瑄奉靈武之冊順乎人情舉進士第一  
者賈餗舉制科第一者元稹元澹著老經獨孤及之  
讀孝經有立身行道之志尤為幼冲之卓卓者也楊元琰  
居喪不食而梁文真之三十年喑默尤為孝義之脫脫  
者也元結上時政三篇不負蘇元明之薦引盧仝作月  
蝕一詩尤來韓昌黎之稱述盧坦忤李吉甫之議而耳  
於補外張鎰救盧縱之死而樂於貶秩蕭昕使回紇而  
能守其節劉迺拒朱泚而自投于床獨孤朗諫憲宗楊

河南名卷八

河南人物

七

虞卿諫穆宗何正直如之獨孤郁舉制科梁肅舉文辭  
清麗科何博洽如之韋應物號常蘇州而有集十卷後  
乎其宏富也曹確拜兵部侍郎而居位年稟乎其方重也  
元德秀今魯山而紫芝眉宇使人利心常盡楊憑官太  
常而博學宏辭與弟凌疑相並五代之時高季興守江  
陵一城之衆而善於招輯劉岳為劉會八代之孫而敏  
於文辭桑維翰之鑄硯其學問由人為而卒擢甲榜王  
處訥之石麵其聰悟由天巧而果善天文宋之時張鑄  
劉温叟李漢瓊劉保勳雖皆仕於梁晉而能竭忠於開  
寶之初且温叟之清介保勳之死節尤可稱也聶崇義  
宋偃崔頌李度雖皆仕於漢周而能效力於歸欵之後  
且崇義之上三禮崔頌之論典禮尤可取也王密簡



壽春以方畧之備李琪事宣祖以材力之雄何徽備  
邊二十年以少擊毅安德裕撰文四十卷以義起在安  
忠敗契丹而石熙載亦以直黜之外鎮郭忠恕善書面  
而石中立亦以文遷之翰林呂蒙正舉進士第一以雅  
量光于史錢若水為同州推官以決獄聞于朝温仲舒  
才堪應務而有温寇之號范雍治尚忠而有忠獻之  
謚康德輿濟人於河決之時康保裔守於兵敗之日  
柳野號草堂居士而上天辭富貴之詩非卓有定見不  
能作也李瀆為殿中御史而行到水窮處之詩非精有  
不能致也种效以講授為業而兄子世衡之知青  
澗可謂之能將若夫曰諤曰診號為三種曰師道曰師  
中號為名將何种氏之多才也呂希哲以射行為學而

河南會卷八

河南人物

八

有子好問之濟中興可謂之才士若夫曰本中者童蒙  
訓曰祖儉寓居婺州何呂氏之多賢也有富弼之忠良  
則有富直柔為之孫而趙安仁之子趙尚寬及其孫君  
錫尹源之弟尹洙及其孫尹焞皆奕葉重光者也就其  
中論之富弼之相業尹焞之儒術得非古今之傑耶有  
程顥之道學則有程頤為之弟而耿昭化王曙之子則  
曰耿傳王益柔郭逵朱景之子則曰郭忠孝朱光庭皆  
箕裘克紹者也就其中評之顥可比於顏頤可方於孟  
得非邠魯之繼耶兄弟有才猷者則若翟興翟進父子  
有學行者則若張師德張景憲以言乎推官之良則若  
田瑜長於吏事鄭驥善於愛民以言乎知州之良則若  
楊日嚴善於撫下滕宗諒善於建學王隨謚文惠而陳



太素之官大理亦有仁心任布蓋恭惠而楚建中之知  
榮河亦有循政著聞見錄者邵伯温也著簡齋集者非  
陳與義乎作易粹言者郭雍也作九思齋者非王忠民  
乎席旦知成都兩次甚有政理韓川任吏礼二部多所  
更張張繹發憤力學而晚得二士之褒豈易得乎張玘  
奮戰殺身而立祠戰所之詔豈易得乎宋炎張世雄皆  
凜然匪躬者也吕行簡朱敦儒皆岷然有爲者也元之  
時秦長卿之劾阿合馬雖死而心何憾也上天璋之上  
濟治策雖多而人不厭也劉健之復仇張恭之奉母不  
謂之孝乎楊僕之割肉蔡子英之上書不謂之忠乎至  
於袁裕程瑩張惟敏皆有可觀者矣遂至我

朝缺忠於開國之初則有荅祿與權秦從龍也行孝於

河南會卷八

留留人物

九一

居喪之日則有魏敏王中也居刑部有聲者曰華士瞻  
開濟也居吏部有聲者曰趙瑁陳敬趙迪也范敏石璞  
在戶部會計無不當宋禮趙翥在工部營繕無或差宋  
賓范謙任佑劉瑾廬方常皆爲布政稱其職也王敬先  
武文諒范讓張文學皆爲叅政當其才也劉世英曹庭  
訓皆以人才舉而世英尤不負月川先生之號此皆天順  
端皆以節操稱而端尤不負月川先生之號此皆天順  
以前人物而其後不能盡舉也

### 南陽府人物

蘇秦之味南陽也曰成臯之固商阪之阻張衡之賦南  
陽也曰滄浪爲隍方城爲墉蓋是郡北連中原東通吳  
會西接巴蜀南控蠻越故諸葛亮以爲用武之地而漢



文以為形勝之國也以其沿革言之夏為大禹之國  
周為申鄧之封而春秋屬之楚戰國屬之韓也光武起  
兵春陵正其湯沐之邑人生其間得天地中和之氣敦  
尚詩禮沾濡道學彬彬然有可觀者矣請具陳之周之  
時百里奚去虞適秦有以成拓地救荆之功五段大夫  
其號也范蠡事越滅吳有以乘舟泛湖之智鴟夷子  
其號也騶甥聃甥養甥逆料亡鄧言皆應驗其言見於  
左傳長沮桀溺丈人專心避世志亦高尚其事見於魯  
論以漢言之張釋之諫犯蹕直臣之氣也直不疑之償  
亡金長者之量也杜延年勸霍光而廢昌邑之位李通  
迎光武而舉春陵之兵高柔侯鄧禹杖策來謁有延攬  
英雄之策舞陽侯吳漢八克有隱若敵國之才賈

復破銅馬有折衝千里之威吳陳俊破五校有如是何  
憂之嘆矣焉異破玉郎杜茂鎮北邊任光層邯鄲皆可  
謂之能將然異之不伐有儒者氣象也登訓化羞胡任  
隗諫顯宗賈琮鎮朔方皆可謂之賢子然訓之有為有  
元勳家法也臧宮馬武咸有破群賊之功來歙岑彭俱  
有死公孫之節朱祐尚儒學而拜建議將軍馬成平江  
淮而迂中山太守銚期徇潁川功參諸將而鄧晨慰比  
道主人之望其功亦不細也卓茂令密邑名冠天下而  
趙熹來真長者之褒其志亦不苟也韓稜在南陽朱暉  
在臨淮任延在九真皆可謂之賢太守也樊宏為舅父  
劉隆為宗室陰識為妃兄皆可謂賢宗戚也郭伋有  
潤九甲之獎王常有心如鐵石之諍韓歆為司徒而蓋



石之戰唱言堅敗智有施矣韓延之拒劉裕之招名干曰翹志有在矣南北朝之時宗少文傳金石之法趙文深善碑榜六書之體趙隱掌機密而小心恭慎張敬兒官寧蠻而膽氣壯猛樂頓劉渢黔婁庾粲皆有孝行可稱然頤之菜菹食客而有郭林宗之比焉范擘師覺吏季才岑善方皆有文章可傳然擘之著後漢書而有班固之比焉宗慤之志願乘長風破萬里浪觀稊竟陵之功可知矣劉湛之才如沈綠水依芙蓉觀其守清貧之操可知矣劉湛自比管葛臚酒之諫何其正范泰數上封事善言之撰何其功張耀勤於其事而謚曰懿庾詵薦於其學而謚曰貞張孝秀入匡山馮亮入嵩山皆肥遯不汙者也劉勰令當陽吏輩丞會稽皆循政可法者

河陽名士

河陽人物

十二

也庾易辭百斛之麥不負臨川王表之薦矣宗慤成一夕之碑不負小兒學士之號矣樂萬舉動醞籍而子法才法藏皆能善繼胡僧佑大敗景將而岑之敬宗越亦能有爲曹景宗讀懷直傳懷憤欲試蔡道恭也洛口鎮招附如歸唐之時岑文本以位高爲憂不營產業可謂賢相矣其孫羲令金壇仲翔令長洲仲林令溧水皆有治績焉朱葆光以父亡爲憂每哭繼廟可謂孝子矣其子昂讀書至万卷士昂文集三十卷皆有學行焉孫處約爲齊王記室而欲其改過則規之屢韓思彥因大白昼見而欲其修德則勸之勤孟詵致政給羊酒終身何其榮歟岑參能詩與李杜齊名何其妙歟張巡死睢陽而江河爲之保全馬燧刺隴州而藩鎮爲之帖服撰中



雖頌者元結也獻聖誕樂者王休也張建封論蘇常

之盜千人即爲之革面起宗需承翰林之命一日並爲

之進階范傳正刺三州名爲殊政韓羽號兩韓名爲才

子五代之時張仁謙守邊有謀勇而匈奴爲之遠卻張

澹好學有文藻而桑維翰爲之稱重以宋言之王仁瞻

征太原寇城平溪蠻周湛條時政十百事雖忤夏疎而

不辭賈黯墜進士第一人逮論漢王而有理吳幾復鎮

荆南朝廷知其賢牛皐敗楊么岳飛賴其用王襄之決

訟獄爲之空賜名曰襄宜矣沈宣之守墓妻爲之化賜

以粟帛宜矣逮至于元李友端戈殺鄧順皆有學之士

也他如王明嗣王儀字木魯卿何莫非以道義文章爲

時儀表乎劉整孫嗣張寬西漢傑皆有爲之吏也他如

河南省卷八

南陽人物

十五

白景亮智受益李威何莫非以謀畫勳烈爲上倚仗者

乎暢師文之親許衡王琦之友姚燧觀其所主可知其

人矣蕭景鳳有蕭卿行陳介有墓碣李奉先有孝子林

觀其所守可知其人矣劉子平禮度依古而有登上壽

之福成遵敏捷出倫而有台輔器之褒以我朝言之

安德長於詩賦李希顏精於學庸王政則應對便捷鄭剛則資稟純實唐俊之廉介陳立之明決宋玘之廉慎李新之剛正王禮之勤能焦宏之矜恤趙安之明敏周炳之孝友皆有可紀者矣天順以後人物未暇

論也

汝寧府人物

登天中之山而知是郡形勝雖小當天之心即周公測



日之所也。八卦之臺而知是郡山川甚秀聚天之精  
即伏羲生蓍晉之地也。蓋其水洳曲其地平舒襟帶長淮  
控扼潁蔡隱然巨屏端若長城人之生此地者重信義  
尚質文。蓋文王化行之地而人才之出也無盡矣。請具  
陳之。周有曹卹在孔門而道義是樂秦冉在孔門而德  
藝有成。漆雕開有吾斯之疑致孔子之說叔孫敖有陰  
德之積爲莊王之相黃歇雖奸而入壁遊關多養雞犬  
之客陳勝雖微而斬木揭竿果副鴻鵠之志漢之時吳  
公冠郡邑之治循吏也周燕代太守之災義士也桓寬  
著鹽鐵論數萬言當其理周防著雜記三十二篇核其  
實翟方進劾司隸朝廷憚之郭憲諫東征光武悔之耶  
暉侯東門拒關不納且善處太子之變袁安客洛陽卧

雪不出且善處梁氏之變請歐陽欽之命者高獲蔽何  
敞之矢者周嘉收李固之笮者郭亮皆可謂義士也。鮮  
經不窮者戴憑從丁恭受學者鍾興不讀非聖書者周  
燮皆可謂之才子也。蔡順薛包王琳皆篤於彝倫而周  
磐之思毋棄官亦有然者。蔡玄鄭敞周總皆其於隱遜  
而戴良之避入江夏亦有然者。張劭之交范式有具黍  
之約真可謂死生交。陳蕃之待徐穉有懸榻之高真可  
謂大丈夫。叔度汪汪千頃��并黃憲平辛輿淵中有二  
龍非許劭乎。周與舉茂才數上言事而筆之御坐學有  
同矣。應邵定律令撰風俗通而傳之後世名大振矣。袁  
安袁閏以祖孫而苦身脩節且子秘與七人皆死袁紹  
袁術以父子而乘亂起兵且自安四世皆顯三國之特



許靖善臧否人物胡綜善諸文詰策郭憲不以韓約邀功曹操欲疏其名而又不之從則其志可知矣呂蒙以伐黃祖有功孫權數聽其計而皆爲之用則其才可知矣來敏以耆宿學士見嘉於昭烈費禕以老成長慮見任於孔明晉之時和嶠有威名而庾顓稱之曰森森千丈之松于寶撰搜神記而劉惔稱之曰卿乃鬼之董狐周浚性果烈與王渾伐吳然子顓死王敦之難而曰恢曰諷皆不忝後生稱誰之答也周訪性沉毅討華軼二寇然子撫繼先人之烈而曰楚曰瓊皆不忝三世將軍之名也孟嘉落帽之朝九日之樂如是其狂也畢卓浮船之喻八達之風如是其放也朱序從母而成厥功李充黜妻而敦乃義南比朝之時周顓辭韻如流而有赤

河南省卷八

漢靈人物

十五

米白塩之樂董紹鎖送江東而有忠臣孝子之誇朱脩之雖不死節而泛海東萊欲以贖其過也楊纂雖不識字而推誠信吏亦以成其名也周吳仕陳而江北之平亦爲有勞周法尚仕隋而方陣之法亦爲有見唐之時周允元陳書傳於武后有耻君不及堯舜之言周墀議河湟於文宗有以直言免之說刺潮州者劉仁安也定閩地者王潮也梁之時王延嗣諫審知僭號追魚仲連之風宋之時謝良佐著論語說得伊川之教王彬知潭州剗煩去蠹宗翼家上蔡負米養親孫何舉進士第一而孫丁齊名天下後世宗之孫僅舉進士第一而兄弟連魁天下時人榮之祖無擇忤王安石之旨朱勝非處苗劉之變元之時高興獻江南珍寶不敢隱君賜也龔友



禮號淮南夫子其必振時譽也為廉訪使者劉秉文也  
為集賢學士者范谷英也逮至我

朝何德徐理梁銘皆以武勇立功至有為侯伯者焉趙  
好德趙毅孟禎皆以儒士効用至有為尚書者焉房安  
亞工部而剛勁足以有為王禮庶戶部而明果足以有  
照給事於科則有若孫顯之聰敏也監察於道則有若  
王平之清毅也天順以後人物輩出吾未暇歷數之也

新編博物策會卷之八終

禮部考卷八

卷八人物

十六



王平之清毅也天順以後人物輩出吾未暇歷數之也  
照給事於科則有若孫顯之聰敏也監察於道則有若  
王平之清毅也天順以後人物輩出吾未暇歷數之也  
照給事於科則有若孫顯之聰敏也監察於道則有若  
王平之清毅也天順以後人物輩出吾未暇歷數之也



